

+ Sp. 1. ARALIA OCTOPHYLLA.  $\alpha$  Chim chim nhâ.

Differ. spec. Ar. caule arboreo inermi : foliis digitatis, octonis : paniculâ umbellatâ.

Hab ; & notæ. Arbor 10 - pedalis, expansa, inermis. *Folia* digitata; 8 - nata, petiolis longis : foliolis oblongis, obtusis, integerrimis, glabris, petiolatis, inæqualibus, in orbem dispositis. *Flos* luteus, rubro confpersus : paniculâ vastâ, terminali, im umbellas desinente : involucro nullo. *Calyx* truncatus, superus. *Corolla* petala 5, oblonga, patentia. *Stigmata* 5, sessilia. *Bacca* parva, ovata, 5 - sperma : seminibus oblongis.

Habitat in Cochinchinâ tam culta, quam spontanea.

Virtus : corticis, & foliorum. Aperiens, Diuretica, Diaphoretica.

Ejus sal fixum, vel Cinis multum valet contra hydropeum.

Observ. Nascitur prope Cantonem in Sinis hujus plantæ varietas, niveli species, caule, foliis, & habitu florum omnino similis : differt autem staminibus 10, & stigmate 10 - fido.

+ Sp. 2. ARALIA PALMATA.  $\beta$  Ú kia pi.  $\alpha$  Ngu già bì.

Differ. spec. Ar. caule scandente, aculeato : foliis 5 - lobatis : umbellis simplicibus, lateralibus.

Habit ; & notæ. *Caulis* fruticosus, scandens, multiplex, aculeatus. *Folia* palmata, 5 - loba, magna, sparsa, petiolis longis. *Flos* albus, umbellis simplicibus, solitariis, lateralibus : involucro nullo.

*Aculei* caulini recurvi, sparsi : petiolorum, & peduncularum nulli.

Habitat agrestis in Chinâ. Differt ab Aralia Chinensi Linæi, in quâ folia sunt pinnata, petioli aculeati, flores paniculâ ramosâ.

Virtus : corticis. Resolvens, Mundificans. Usus in scabie, & in hydrope.

Sp. 3. ARALIA CHINENSIS.  $\alpha$  Cây Quòng.

Differ. spec. Aral. caule, petiolisque aculeatis : foliolis inermibus, villosis. Lin. sp. 3.

Hab ; & notæ. Frutex scandens, aculeatus, acirrus, longus, teres, ramosus. *Folia* pinnata cum impari, oblongo-ovata, acuminata, ferrata, glabra, parva, inermia, petiolis aculeatis. *Flos* albus, subterminalis : paniculis magnis, in umbellas desinentibus : pedunculis aculeatis, longis. *Calyx* campanulatus, deciduus, 5 - fidus, laciniis acutis. *Corolla* petala 5, lanceolata, reflexa, 2 - sulcata, calyce duplò longiora. *Filamenta* 5, subulata, corollæ subæqualia, receptaculo insidentia. *Antheræ* ovatæ incumbentes. *Germen* subrotundum. *Stylus* sub-nullus. *Stigmata* 5, oblonga, reflexa. *Pericarpium* bacca rotunda, nigerrima, 5 sulcata, 1 - locularis, 5 - sperma : seminibus introrsum angulatis, extrorsum convexis, oblongis.

Habitat per sepes scandens in Cochinchinâ : valde infensa viatoribus ; quorum vestes , vel carnes mordicus tenet , & lacerat aculeis plurimis , aduncis.

Burm. Ind. pag. 78. Frutex baccifer , Malabaricus , floribus umbellatis , pentapetalis , fructu nigricante , polyspermo. Raj. hist. 163. Frutex Aquosus , mas. Rumph. Amb 1. 6. c. 50. t. 44.

Observ. In Amboinâ , Rumphio teste , semper arborescit , & in sylvis quidem ad magnam altitudinem : non ita in Cochinchinâ , ubi semper procumbens , vel scandens longè extenditur. Foliaque ita sunt opposita , ut bipinnata dici possint.

C L A S S I S VI.  
H E X A N D R I A.  
M O N O G Y N I A.

\* *Flores calyce, corollaque, instrueti.*

- |                  |  |
|------------------|--|
| 1. BROMELIA.     | <i>Cor. 3 - petala. Cal. 3 - partitus, superus. Bacca.</i>                       |
| † 2. FLOSCOPA.   | <i>Cor. 3 - petala. Cal. 3 - fidus, inferus. Caps. 2 - locularis.</i>            |
| 3. TRADESCANTIA. | <i>Cor. 3 - petala. Cal. 3 - phyllus, inferus. Filamenta barbata.</i>            |
| † 4. ONCUS.      | <i>Cor. 6 - fida. Cal. 2 - phyllus inferus. Bacca 3 - locularis.</i>             |
| 5. CANARINA.     | <i>Cor. 6 - fida. Cal. 6 - phyllus, superus. Caps. 6 - locularis.</i>            |
| 6. LORANTHUS.    | <i>Cor. 6 - partita. Cal. 3 - phyllus, inferus. Bacca 1 - sperma.</i>            |
| † 7. HEXANTHUS.  | <i>Cor. 6 - partita. Cal. communis, 6 - phyllus, 6 - flor. Bacca 1 - sperma.</i> |
| 8. DRACÆNA.      | <i>Cor. 6 - partita. Bacca 3 - locul., 1 - sperma.</i>                           |

\*\* *Flores spathacei.*

- |                 |  |
|-----------------|--|
| 9. CRINUM.      | <i>Cor. supera, 6 - fida : basi tubulosa. Stamina distantia.</i> |
| 10. PONTEDERIA. | <i>Cor. supera, 6 - fida, ringens.</i>                           |
| 11. LEUCOIVM.   | <i>Cor. supera, 6 - petala, campanulata. Stamina æqualia.</i>    |
| 12. AMARYLLIS.  | <i>Cor. supera, 6 - petala, campanulata : stamina inæqualia.</i> |
| 13. HYPOXIS.    | <i>Cor. supera, 6 - petala. Spathæ glumaceæ.</i>                 |

† 14. LIRIOPE.

*Cor. infera*, 6 - partita. *Bacca* 1 - sperma.

15. ALLIUM.

*Cor. infera* 6 - petala. *Pet. ovata*, sefilia.\*\*\* *Flores nudi.*

16. ALOE.

*Cor. infera*, 6 - fida. *Filamenta* receptaculo inserta.

17. ALETRIS.

*Cor. infera*, 6 - fida, rugosa.

18. POLYANTHES.

*Cor. infera*, 6 - fida : tubo curvato.

19. HEMEROCALLIS.

*Cor. infera*, 6 - partita. *Stam.* declinata.

20. ORNITHOGALUM.

*Cor. infera*, 6 - petala : *filamentis* alternis basi dilatatis.

21. FRITILLARIA.

*Cor. infera*, 6 - petala, basi foveâ nectariferâ, ovata.

22. LILIUM.

*Cor. infera*, 6 - petala : *petalis* basi canaliculato-tubulosis.\*\*\*\* *Flores incompleti.*

23. ORONTIUM.

*Spadix* cylindricus. *Folliculus* 1 - spermus.

24. ACORUS.

*Spadix* cylindricus. *Caps.* 3 - locularis.

25. CALAMUS.

*Spadix* ramosus. *Bacca* 1 - sperma, retrorsum squamosa.

26. FLAGELLARIA.

*Spadix* ramosus. *Bacca* 1 - sperma, levigata.

27. CORYPHA.

*Spadix* ramosus. *Drupa* 1 - sperma.

28. JUNCUS.

*Cal.* 6 - phyllus. *Caps.* 1 - locularis.

## DIGYNIA.

29. ORYZA.

*Gluma* 1 - flora. *Cor.* 2 - valvis. *Sem.* 1. oblongum.

## A I T R I G Y N A M

30. MELANTHIUM. *Cal. o. Cor. 6-petala, infera: petalis staminiferis.*
31. RUMEX. *Cal. 3-phyllos. Cor. 3-petala, infera. Semen 1, triquetrum.*

## T E T R I G Y N I A

- † 32. SPATHIUM. *Cal. spatha subrotunda. Cor. o. Baccae quatuor, 1-spermæ.*

## A G E N D A M L E T O C O P Y

## MONOGYNIA.

## GENUS I. BROMELIA.

Charact. Gener. *Cal.* 3 - fidus, superus. *Petala* 3 : squamâ uectarifera ad basim. *Bacca* 3 - locularis. Lin. sy. pl. G. 427.

Sp. I. BROMELIA ANANAS. a Tlai Thom.

Differ. spec. Brom. *foliis* ciliato-spinosis : *spicâ* comosâ. Lin. sp. I.  
Hab ; & notæ. *Caulis* 1 - pedalis, perennis, crassus, teres, erectus,  
foliis ad basim imbricatus, fructu magno, solitario terminatus. *Folia* 3 - pedalia, subulata, margine utrâque spinosa, canaliculata,  
crassa, cinereo-glaуa, glabra, reclinata. *Bacca* composita, 8 pol-  
lices longa, cylindracea, sаpe sub-conica, ovata, aut subrotunda,  
diametro 5 - pollicari, rubra, squamosa. *Flores* nitidè purpurei, sin-  
gulis baccæ squamis singuli adnati, supra medium exerti, ante ma-  
turentiam baccæ decidui. *Cal.* 3 - fidus, minimus. *Corolla* oblonga,  
campanulata, 3 - petala, in acutum desinens. *Filamenta* 6, te-  
nuia receptaculo inserta. *Stigmata* 3 : *stylo* profundè 3 - fulcato,  
& in tres facile divisiбili. *Bacca* partiales inferæ, oblongæ, coali-  
tæ, succosæ, odoræ, dulcissimæ, sub-acidæ, sapidissimæ, saiu-  
bres, 1 - loculares : seminibus tribus, longiusculis.

Habitat in magnâ copiâ in agris, & hortis Cochinchinæ, ubi, quam-  
vis optima, vili pretio venditur, præcipue in provinciâ Doung-nai  
ad decimum gradum latitudinis Borealis.

Anafla. Rumph. Amb. l. 8. cap. 41. tab. 81. Ananás. Tournef. Inst. p.  
653. tab. 426, 427, 428. Acosta. Arom. p. 44.

Virtus : fructus. Diuretica, Stomachica. Ex fermentatâ fit vinum,  
& hujus spiritus, sapidum quidem, sed minus salubre.

Varietas Bromeliae occurrit, in Cochinchinâ dicta Thom nep, cuius  
fructus sapore non inferior, in maturentiâ permanet viridis, &  
pulpa alba, sed specie non differens.

## † GENUS II. FLOSCOPIA.

## Descriptio Naturalis.

*Cal.* Perianthium infundibuliforme, inferum, pilosum, coloratum;  
persistens : limbo 3 - fido, laciniis ovatis, curvis, patentibus.

*Cor.* Petala 3, ovata, erecta, calyci, æqualia.

*Stam.* Filamenta 6, subulata, corollâ longiora. Antheræ lobis binis,  
subrotundis. Pist.

Pist. Germen compresso-ovatum, 2 - lobum, superum. Stylus subulatus, inflexus, longior staminibus. Stigma crassiusculum.

Peric. Capsula sub-ovata, 2 - loba, 2 - locularis, 1 - sperma.

Seim. Compresso-ovata, cornea, fulcis multis in orbem radiata.

Nom. ab spicis in formam scopæ collectis, & fastigiatis.

Char. Genericus. *Calyx* 3 - fidus, inferus. *Petala* 3, ovata. *Capsula* 2 - locularis, 1 - sperma.

† Sp. 1. FLOSCOPA SCANDENS.  $\alpha$  Deei hoa chòi.

Differ. spec. Flosc. caule scandente : foliis lanceolatis : flore fastigiato.

Hab. *Caulis* fruticosus, scandens, inermis, acirrhous, simplex, longus, teres. *Folia* lanceolata, integerrima, vaginantia, polynervia, basi ciliata, superius scabra, inferius lœvia, alterna. *Flos* parvus, dilutè violaceus, pedunculo proprio brevissimo : spicis tenuibus, rigidis, fasciculatis, in formam scopæ fastigiatis.

Habitat agrestis in montibus Cochinchinæ.

### GENUS III. TRADESCANTIA.

Char. Gener. *Cal.* 3 - phyllus. *Petala* 3. *Filamenta* villis articulatis: *Caps.* 3 - locularis. Lin. sy. pl. G. 430.

Sp. 1. TRADESCANTIA GENICULATA.  $\alpha$  Rau eo tia.

Differ. spec. Trad. procumbens, hirsuta. Lin. spec. 4.

Hab ; & notæ. *Herba* annua, caule procumbente, hirsuto, geniculato, rubro. *Folia* lanceolato-linearia, integerrima, crassa, lanuginea, pauca. *Flos* violaceus, polynatus, involucro communi polyphyllo : perianthio 3 - phyllo, acuto, erecto : petalis 3, erectis, calyce longioribus. *Filamenta* 6, ventricosa (sicut etiam stylus) prope antheras villis multis coloratis circumdata. *Caps.* 3 - locularis.

Habitat inculta in agris, & sepibus Cochinchinæ.

Ranunculus, sive Damasonium repens, Parnassiæ foliis villosis. Plum. ic. 116. f. 2.

† Sp. 2. TRADESCANTIA VAGA.  $\beta$  Xit koät houng.

Differ. spec. Trad. procumbens, hirsuta : spathis diphyllic, imbricatis, lunatis : flore monopetalo.

Hab ; & notæ. *Planta* annua, hirsuta : radice indivisa, fasciculata : caule simplici, procumbente, quandoque repente. *Folia* oblonga, acuta, integerrima, striata, pilosa, basi vaginantia. *Flos* cyaneus, pedunculis axillaribus, longis, polyfloris : spathis diphyllic, lunatis

tis, imbricatis. *Perianthium* semitrifidum, erectum, persistens. *Corolla* 1-petala, limbo 3-fido, æquali tubo. *Stamina* 6, æqualia, obsita pilis multis, longis, cincinnatis. *Stylus* corollâ duplo longior: *stigmata* simplici. *Capsula* supera, 3-gono-oblonga, 3-loocularis, 1-sperma: *seminibus* ovatis, glabris, collo constrictis. Habitat inculta Cantone Sinarum.

**Observ.** Hæc planta inter Tillandsiam, & Tradescantiam vacillat. *Calyx*, & *corolla* Tillandsiæ sunt: *stamina*, & *capsula* ad Tradescantiam vergunt: *semina*, & *stylus* neutri convenient: *habitus* vero designat Tradescantiam Cristatum Linnæi, sp. 6.

#### + GENUS IV. ONCUS.

##### *Descriptio Naturalis.*

**Cal** *Perianthium* 2-phyllum, foliolis acutis, erectis, parvis, basim corollæ amplectentibus.

**Cor.** Monopetala, subcampanulata, pilosa: tubo oblongo, hexagono, sursum dilatato: limbo 6-fido, reflexo, parvo, laciniis subulatis.

**Stam.** Filamenta 6, brevissima, basi laciniarum corollæ insistentia. Antheræ subrotundæ, minimæ.

**Pist.** Germen oblongum, superum, 6-sulcatum, mediâ sui parte tubo corollæ coalitum. *Stylus* brevis, 3-partitus. *Stigmata* 3, oblonga, reflexa, apice 2-fida.

**Peric.** *Bacca* corollina, oblonga, 6-gona, 3-loocularis, polysperma. **Sem.** subrotunda.

**Nom.** (*Όγκος* tumor) a magno tubere, quo radix plantæ tumet.

**Char. Gener.** *Cal.* 2-phyllus, inferus. *Cor.* 6-fida, campanulata. *Bacca* 3-loocularis.

**Sp. 1. ONCUS ESCULENTUS.** *α* Khoai bùu.

Differ spec. *Onc.* scandens: *foliis* cordatis, subrotundis: *spicis* laxis.

Hab; & notæ. *Frutex* scandens, teres, ramosus, inermis, acirrus.

*Radix* tuber maximum, ovatum, inæquale, farinosum, edule. *Folia* cordata, subrotunda, acuminata, alterna. *Flos* pallidus, spicis laxis tenuibus, longis, subterminalibus.

Habitat in sylvis Cochinchinæ.

**Observ.** Puto Dioscoreæ adscribi non debere, maximè ratione pericarpii, tum etiam calycis, corollæ, & floris hermaphroditi a Dioscoreâ differentium.

## GENUS V. CANARINA.

Char. Gener. *Cal.* 6-phyllus. *Cor.* 6-fida, campanulata. *Stigmata* 6.  
*Caps.* infera, 6-locularis, polysperma. Lin. sy. pl. G. 480.

† Sp. I. CANARINA ZANGUEBAR. γ . . .

Differ. spec. Canar. scandens : *capsulis* 6-locularibus : *foliis* hastatis, alternis.

Hab ; & notæ. *Caulis* fruticosus, scandens, teres, lœvis, ramosus.  
*Folia* cordato-hastata, integerima, glabra, venosa, alterna, petiolata. *Flos* solitarius, lateralis, pallidus : *corollâ* campanulata, 6-fidâ ; *staminibus* 6. *Capsula* infera, sub-ovata, basi acuta, 6-nervis, 6-locularis, polysperma, basi dehiscens. *Semina* cordata, compressa, alâ turbinatâ cincta, odora.

Habitat inculta in orâ Africæ Zanguebar.

## GENUS VI. LORANTHUS.

Char. Gener. *Germen* inferum. *Cal.* o. *Cor.* 6-fida, revoluta. *Stamina* ad apices petalorum. *Bacca* 1-sperma. Lin. sy. pl. G. 478.

† Sp. I. LORANTHUS COCHINCHINENSIS. α Nhánh goi nhọn lá.

Differ. spec. Lor., *pedunculis* polyfloris, congestis : *foliis* acutis.

Hab ; & notæ. Planta parasitica, perennis, *caule* lignoso, tortuoso, brevi, ramosissimo. *Folia* ovato-lanceolata, integerima, opposita, densa, glabra, incurva, reflexa. *Flos* viridi-luteus, axillaris, *pedunculis* polyfloris, congestis. *Perianthium* inferum, 3-phyllum, minimum. *Corolla* supera, 1-petala : tubo ampio, hexagono: limbo profundè 6-partito, laciinis lanceolato-linearibus, elasticè dehiscientibus, revolutis. *Stamina* 6. *Stylus* longior staminibus : *stigmata* sphærioideo. *Bacca* inter calycem, & corollam, luteo-rubra, coronata : *semine* 1, ovato, 6-fulcato.

Habitat in ramis arborum hortensium in Cochinchinâ.

## † GENUS VII. HEXANTHUS.

## Descriptio Naturalis.

*Cal.* Communis, 6-phyllus, patens, coloratus, foliolis subrotundis, concavis : continens 6 flosculos æquales. *Perianthium* proprium o.

*Cor.* Monopetala, infundibuli-formis, infera : tubo infra medium imperforoso : limbo 6-partito, laciinis oblongis, tubo subæqualibus, patentibus,

Bb ii

Stam.

Stam. Filamenta 6, filiformia, sterilia, ori tubi insistentia, limbo subæqualia. Antheræ 6, ovatæ, subseffiles, ad basim filamentorum sterilium insistentes.

Pist. Germen ovatum, supra medium tubi corollæ impositum. Stylus filiformis, corollâ longior. Stigma emarginatum.

Peric. Bacca ovata, 1-sperma.

Sem. subrotundum.

Nom. Hexanthus a flosculis 6, calyci 6-phyllo inclusis.

Char. Gener. *Cal.* communis 6-phyllo : proprius o. *Cor.* 6-partita. *Bacca* 1-sperma.

† Sp. 1. HEXANTHUS UMBELLATUS.  $\alpha$  Cây Ngát.

Differ. spec. Hex. *foliis* oblongis : umbellis axillaribus.

Hab ; & notæ. Arbor mediocris, ramis patentibus. *Folia* ovato-oblonga, acuminata, integerrima, subtus venosa, pilosa, alterna, magna. *Flos* albo-viridis, *umbellis* parvis, axillaribus.

Habitat in montibus Cochinchinæ.

Us : ligni pro ædificiis.

### GENUS VIII. DRACÆNA.

Char. Gener. *Cor.* 6-partita, erecta. *Filam.* medio sub-crassiora. *Bacca* 3-locularis, 1-sperma. Lin. sy. pl. G. 458.

Sp. 1. DRACÆNA FERREA.  $\alpha$  Cây phât duu.  $\beta$  Tsiét tsào.

Differ. spec. Drac. *arborea*, *foliis* lanceolatis, acutis. Lin. sp. 2.

Hab ; & notæ. *Caulis* fruticosus, sub-simplicissimus, 8-pedalis, pollicem crassus, erectus, teres, nodosus, nodis approximatis, ex foliorum casu protuberantibus. *Folia* lanceolata, integerrima, sesquipedalia, erecta, glabra, petiolis amplexicaulibus, colore fusco-rubra. *Flos* rubro-purpureus, subterminalis : *spadice* diffuso : *spatha* longâ subulatâ, persistente. *Perianthium* proprium 3-fidum, cythiforme, parvum, persistens. *Corolla* campanulata, 6-partita, infera : lacinias oblongis, obtusis, patentibus. *Filamenta* 6, subulata, corollæ lacinias inhærentia : *antheris* sagittatis, apice acuto, 2-fido. *Germen* ovatum. *Stylus* subulatus, crassus, 3-fidus, æqualis staminibus : *stigmatibus* simplicibus. *Pericarpium* *Bacca* ovata, rubra, parva, 3-locularis, 1-sperma, plerumque abortiens.

Habitat in Cochinchinâ. & Chinâ tam culta, quam agrestis.

Terminalis Rubra. Rumph. Amb. I. 6. c. 39. t. 34. f. 2.

Observ. Icon Rumphiana cum nostris cohæret : sed non secundum omnia descriptio. Eandem esse speciem præsumo, quam in Sinis observa-

servavit Osbeckius. Neuter illorum , nec alias , quem sciam , veram , & accuratam descriptionem dedit ; ideo præcedentem omittere non debui : ex quâ videtur ad familiam Palmarum accedere.

Sp. 2. DRACÆNA ENSIFOLIA. & Cây hương lầu.

Differ. spec. Drac. *herbacea* , subcaulescens : *foliis ensiformibus*. Lin. sp. 4.

Hab ; & notæ. Planta herbacea , perennis , subcaulescens. *Radix* horizontalis , repens , sub-lignosa , odorifera , simplex. *Folia* radicalia congesta , ensiformia , crassa , striata , nitida , reflexa , 1-pedalia. *Scapus* 3-pedalis , inferius foliosus , superius nudus , teres tenuis , declinatus : *floribus* terminalibus , sub-umbellatis. *Cal.* nullus. *Corolla* campanulata , patens : *petalis* 6 , lanceolatis , exterius cœruleis , interius albis , parvis. *Filamenta* 6 , patentia , basi dilatata. *Bacca* subrotunda , cœrulea , 3-falcata , 3-locularis , polysperma , minuta.

Habitat in locis agrestibus Cochinchinæ.

Gladiolus Odoratus , Indicus. Rumph. Amb. I. 8. c. 25. t. 73.

Observ. Celeb. Linnæi sententiam fecutus hanc plantam Dracænæ ad-junxi : proprio judicio duetus illam potius Ornithogalo adscriberem.

Uſus. Ex radice contusa , simul cum aliis aromatibus formantur pastilli , & bacilli , qui fumum efflant odoratum , indiginis gratum. De-coctum ejus in Medicinâ prodest contra dysuriam , gonorrhœam , & fluorem album.

### GENUS IX. CRINUM.

Char. Gener. *Cor.* infundibuliformis , 1-petala , 6-partita : laciniis tribus alternis uncinatis. *Germen* fundo corollæ tectum. *Stamina* distantia. Lin. sy. pl. G. 438.

Sp. 1. CRINUM ASIATICUM. & Cây chuối nước. Mân sý lán.

Differ. spec. Crin. *foliis carinatis*. Lin. sp. 2.

Hab ; & notæ. *Radix* bulbus solidus , turbinatus , radiculis longis , ramosis undique septus. *Caulis* brevis , crassus , tunicatus , albus , cœpæformis , perennis , simplicissimus. *Folia* 3-pedalia , 3 pollices lata , subulato-linearia , erecta , carinata , striata , crassa , imbricata. *Scapi* axillares , nudi , teretes , foliis æquales. *Flos* albus magnus , umbellâ simplici , planâ. *Involucrum* commune umbellæ oblongum : *calyx* proprius nullus. *Corolla* 1-petala , tubo longo , tenui : *limbo* 6-partito , laciniis subulato-linearibus , longis , reflexis. *Filamenta* 6 , basi declinata , superius erecto-curva ; filiformia , corollæ æqua-lia : *antheris* acutis , incumbentibus. *Corollæ* laciniæ omnes æqua-les .

les, nec uncinatae. *Capsula* infera, subrotunda, incomptè lobata, 3-locularis, polysperma. *Stamina* distantia.

Habitat loca humida in Cochinchinâ.

Radix Toxicaria. Rumph. Amb. I. II. c. 45. t. 69.

Virtus hujus plantæ mihi non experta: a Rumphio magnis laudibus extollitur, tanquam promptissimum remedium contra ictus quoslibet venenatos, tam telis toxico imbutis, quam morsu animalium infictos. Masticata radix debet topicè applicari vulneri, & pars aliqua deglutiri, sic enim per vomitum venenum expellitur, & a vulnera pariter exhalatur. Tumens abdomen, & ædematosos pedes etiam curari afferit, si plantæ hujus folia ad ignem calefacta tumorimponas, & comprimas.

Sp. 2. CRINUM ZEYLANICUM.  $\alpha$  Toi loi.  $\beta$  Sân toât.

Differ. spec. Crin. foliis scabro-dentatis: *scapo* compressiusculo. Lin. sp. 3.

Hab; & notæ. *Caulis* nullus. *Radix* bulbus magnus, subrotundus, tunicatus, albus. *Folia* lanceolato-linearia, 1-pedalia, sub-incurva, reflexa, crassa, glabra, nec dentata. *Scapus* polyflorus, brevis, compressus, umbellâ terminatus. *Flos* albus, involucro universali 2-valvi: *spathe* partiali 1-floria, simplici, linearis. *Corolla* tubus cylindricus, longus, limbus 6-partitus, reflexus, laciniis lanceolatis, nec uncinatis. *Filamenta* rubra, filiformia distantia, corollæ æqualia: *antheris* linearibus, nutantibus. *Stylus* longior staminibus. *Stigma* simplex.

Tulipa Javanica. Rumph. Amb. I. 8. c. 80. t. 105. Lilio-narcissus, Zeylonicus, latifolius, flore niveo, lineâ purpureâ striato. Commel. hort. I. p. 73. t. 73.

Habitat loca arenosa in Cochinchinâ, & China.

Virt. radicis. Incidens, Pellens, Diuretica. Frequenter usus sum loco Scillæ, quam in Asiâ non vidi, & similem virtutem habere cognovi. Heroicè operatur in tumore, duricie, & dolore ventris post partum, quando simul cum Curcumâ rotundâ contusa, & calefacta, addito aceto, ventri apponitur, & lochia solvit.

#### GENUS X. PONTEDERIA.

Char. Gener. *Cor.* 1-petala, 6-fida, bilabiata. *Stam.* 3, apici, si-ve tubo corollæ inserta- *Caps.* 3-locularis. Lin. sy. pl. G. 431.

Sp. 1. PONTEDERIA CORDATA.  $\alpha$  Boung mac cây.

Differ. spec. Pont. foliis cordatis: floribus spicatis. Lin. sp. 3.

Hab; & notæ. Planta sub-acaulis. *Folia* cordato-sagittata, longa, glabra:

*bra* : petiolis subulatis , 2 - pedalibus. *Scapus* nudus , 4 - pedalis. *Flos* cæruleus , spicis longis , erectis , terminalibus. *Corolla* patentissima 6 - partita , laciinis 3 interioribus ovatis , exterioribus oblongis , omnibus longitudine æqualibus. *Cal.* spatha. *Caps.* 3 - locularis.

Habitat in paludibus Cochinchinæ.

Burm. Ind. p. 80. Sagittariæ similis planta palustris , Virginiana , spicâ florum cæruleâ. Morif. hist. 3. p. 618. t. 4. f. 8.

Sp. 2. PONTEDERIA HASTATA. *a* Roung măc lá.

Differ. spec. Pont. *foliis* hastatis : *floribus* umbellatis. Lin. sp. 4.

Hab ; & notæ. *Planta* sub-acaulis. *Folia* sub-hastata , glabra : petiolis Crassis , diffusis , 2 - pedalibus. *Scapus* nullus. *Flos* cyaneus , umbellâ sessili , prope apicem petioli in membranam dilatati erumpente. *Cal.* spatha. *Pedunculi* partiales longi. *Corolla* supera , 6 - partita , inæqualis. *Capsula* ovata , 3 - locularis , polysperma. *Filamenta* 6 , corollæ insistentia.

Habitat prope ripas fluminis interfluentis metropolim Cochinchinæ.

Sagittaria Zeylanica , floribus e medio caulis prodeuntibus. Burm. Zeyl. p. 208. Sagittæ quodammodo similis planta Maderaspatana , floribus medio caule , quasi ex utriculo prodeuntibus. Morif. hist. 3. p. 618. t. 4. f. 7.

### G E N U S XI. L E U C O I U M.

Char. Gener. *Cor.* campaniformis , 6 - partita , apicibus incrassata. *Stigma* simplex. Lin. sy. pl. G. 434.

† Sp. 1. LEUCOIUM CAPITULATUM. *a* Hùynh lón.

Differ. spec. Leuc. *spathis* 1 - floris : *capitulis* radicalibus : *foliis* pli-catis.

Hab ; & notæ. *Planta* herbacea , perennis , sub-acaulis. *Radix* bulbus solidus , fuscus , inæqualis. *Folia* lato-lanceolata , magna , duriuscula , integerrima , in longitudinem plicata : *petiolis* crassis , 3 - que-tris , 1 - pedalibus , balii imbricatis. *Flos* capitulo magno subrotundo : *pedunculo* communi radicali , ancipiti , brevi , crasso , refle-xo. *Calyx* spatha partialis , 1 - flora. *Corolla* petala 6 , basi cohæ-rentia , subovata , inæqualia , apicibus , incrassata , interius coloris aurei , exterius fusca , pilosa. *Capsula* infera , 3 - gona , 3 - locularis , polysperma. *Stamina* 6 , brevia , æqualia. *Stigma* simplex.

Habitat inculta , non frequens , in Cochinchinâ.

## GENUS XII. AMARYLLIS.

Char. Gener. *Cor.* 6-petala, campanulata. *Stigma* 3-fidum. Lin. sy. pl. G. 439.

Sp. I. AMARYLLIS SARNIENSIS.  $\beta$  Hiüen tsao.  $\alpha$  Tuyen thao.  
Differ. spec. Amar. *spathâ* multiflora : *corollis* revolutis : *genitalibus* erectis. Lin. sp. 8.

Hab ; & notæ. *Radix* bullus ovatus, tunicatus. *Folia* radicalia, ensiformia, striata, glabra, reflexa. *Scapus* sesquipedalis, teres, nudus, foliis longior. *Spathâ* multiflora, oblonga, obtusa : *floribus* paniculatis, 12 circuitur. *Corolla* 6-petala, campanulata, revoluta : *petalis* lanceolatis, luteis, intus rubro punctatis : *staminibus* 6, longis, erectis. *Capsula* infera, 3-locularis, polysperma. *Stigma* 3-fidum.

Habitat, ob pulchritudinem culta in Sinis.

Thunb. Jap. p. 131. Narcissus Japonicus rutilo flore. Kaempf. Amæn. p. 872. Tourn. Inst. p. 386. t. 207. Lilio-Narcissus Japonicus.

## GENUS XIII. HYPOXIS.

Char. Gener. *Cor.* 6-partita, persistens, supera. *Caps.* basi angustior. *Cal.* gluma 2-valvis. Lin. sy. pl. G. 450.

f Sp. I. HYPOXIS AUREA.  $\alpha$  . . .

Differ. spec. Hyp. acaulis, pilosa : *scapo* 1-floro : *capsulis* oblongis. Hab ; et. Planta acaulis, annua. *Folia* subulata, canaliculata, reflexa, semipedalia, conferta. *Scapus* nudus, teres, tenuis, foliis æqualis, 1-florus. *Corolla* campanulata, 6-partita, æqualis, intus aurea, exterius sub-viridis, pilosa. *Stamina* 6. *Capsula* infera, oblonga, triquetra, pilosa, 3-locularis, polysperma. *Cal.* *Spatha* parva, 2-valvis?

Habitat in colle arenoso Son Koung in Cochinchinâ.

## † GENUS XIV. LIRIOPE.

## Descriptio Naturalis.

*Cal.* *Spatha* 1-valvis, ovata, incurva, 1-flora, parva, persistens.

*Cor.* Campanulata, infera, 6-partita, patens : laciniis oblongis, reflexis, carnofisis, æqualibus.

Stam.

- Stam. Filamenta 6, subulata, erecta, æqualia, corollâ breviora, receptaculo insidentia. Antheræ oblongæ stantes.  
 Pist. Germen subrotundum, superum. Stylus crassus, sulcatus, reflexus, æqualis staminibus. Stigma simplex.  
 Peric. Bacca ovato, glabra, carnosæ, 1-sperma.  
 Sem. 1, ovatum.  
 Nom. (Liriope Nympha mater Narcissi) ex florum qualicumque cognatione, similique colore cœruleo. Cœrula Liriope. Ovid. Metam. l. 3. v. 342.

Char. Gener. Cor. 6-partita, infera. *Spatha* ovata. *Bacca* 1-sperma.

- † Sp. 1. LIRIOPE SPICATA. α Taōc tien. β Mac lân.  
 Differ. spec. Lir. *foliis ensiformibus*, glabris : *spicâ* tereti.  
 Hab. Planta acaulis, perennis. *Radix* bulbus oblongus, solidus, fuscus septus radiculis serpentibus. *Folia* plurima, congesta, ensiformia, stricta, glabra, suberecta, 1-pedalia. *Scapus* nudus, teres, tenuis rectus, foliis subæqualis. *Spica* solitaria, longa, teres, simplex, terminalis, erecta. *Flos* minusculus, albo-cœruleus, innodus. Habitat frequenter culta, incultaque in Cochinchinâ, & Chinâ.  
 Virt. Refrigerans. Foliorum decocto firmari dicuntur capilli.

### GENUS XV. ALLIUM.

Char. Gener. Cor. 6-partita, patens. *Spatha* multiflora. *Umbella* congesta. *Capsula* supera. Lin. sy. pl. G. 442.

- Sp. 1. ALLIUM SATIVUM. α Cây toi. β Suón.  
 Differ. spec. All. *caule planifolio*, bulbifero : *bulbo* composito : *staminibus* 3-cuspidatis. Lin. sp. II.  
 Hab ; & notæ. *Caulis* sesquipedalis, crassus, teres, simplicissimus : bulbo, composito, subrotundo-lobato, albo, saepe rubescente. *Folia* plana, crassa, subulato-linearia. *Flos* rubescens, umbellâ capsularâ, sub-rotundâ. *Stamina* 3-cuspidata.  
 Colitur ubique in Cochinchinâ, & Chinâ : hic quidem floret, non illic, sed per bulbos multiplicatur.  
 Tournef. Inst. p. 383. t. 206. Berg. Mat. Med. p. 266.  
 Virt. Attenuans, Diaphoretica, Alexiteria, Pectoralis, Diuretica.  
 Uſus : cibarius, non alibi, quam in Sinis, frequentior.

- Sp. 2. ALLIUM CEPA. α Cây hành. β Tsūm Xī.  
 Differ. spec. Al. *scapo* nudo, infernè ventricoso, longiore foliis terribus. Lin. sp. 33.

Cc

Hab;

Hab ; & notæ. *Folia* radicalia , subteretia , tubulata , succosa. *Radix* bulbus tunicatus , subrotundus , magnus , exterius saepius rubescens. *Scapus* nudus , teres , 2 - pedalis , ad basim ventricosus. *Flos* albus , umbellâ magnâ , subrotundâ : pedunculis longiusculis.

Colitur abundanter in Cochinchinâ , & Chinâ . Cum vero in Cochinchinâ non floreat , plantatur divisis bulbis , qui nasci solent congesti , parvi , & angulati : sapore autem , & odore Europæis excellunt , sicut etiam folia , quorum usus ad condimenta frequentior.

Tournef. Inst. p. 382. tab. 205. Berg. Mat. Med. p. 274.

Virt. Maturans , Pectoralis , Diaphoretica , Diuretica. In promovendâ Diaphoresi imprimis excellit ; ideoque Medici indignæ cepam recentem frequenter adhibent decoctis , quibus febres per perspirationem curare intendunt.

Sp. 3. ALLIUM TRIQUETRUM. α Kieu. β Kiái: Kiao thêu.

Differ. spec. Al. *scapo* nudo , *foliisque* triquetris : *staminibus* simplicibus. Lin. sp. 32.

Hab ; & notæ. *Folia* radicalia , triangularia , sub-pedalia. *Bulbus* oblongus tunicatus , parvus , albus. *Scapus* nudus , tenuis , teres , *foliis* subæqualis. *Flos* dilutè violaceus : *umbellâ* planâ : *staminibus* simplicibus.

Colitur in Cochinchinâ , & Chinâ .

Allium caule triangulo. Tournef. Inst. p. 385. Moly parvum , caule triangulo. Bauh. Pin. p. 75.

Uſus præcipuus Culinarius. Præditum odore , & sapore debili , nec ingrato , vices Porri agit , & variis modis præparatum mensis appetonit.

Virtus in re Medicâ. Emolliens , & Resolvens ; valetque in tumore , & inflamatione mamillarum , si contusum cum pauco sale , & semiammum calidè applicetur.

Sp. 4. ALLIUM ASCALONICUM. α Cây nén.

Differ. spec. All. *scapo* nudo , tereti : *foliis* subulatis : *umbellâ* globosa : *staminibus* 3 - cuspidatis. Lin. 25.

Hab ; & notæ. *Radix* bulbus rotundus , sub-solidus , congestus , albicans , parvus , nuci avellanæ vix æqualis. *Folia* radicalia , subulato-linearia. *Scapus* nudus , brevis , teres. Florem non vidi.

Colitur in Cochinchinâ , nec ibi rarum. Existimo , quod non floreat , vel rarissime.

Uſus : Esculentus. Odore , & sapore Omnia specierum gratissima : virtutem non probavi : puto , quod a Cepâ vix differat.

Cepa sterilis. Bauh. Pin. p. 72. n. 7. Cepa foliis subulatis , radicibus oblongis , conglobatis. Hort. Cliff. p. 136.

Sp. 5.

Sp. 5. ALLIUM ODORUM.  $\alpha$  Kieu : Khio.  $\alpha$  Hé tau : Phi thé.

Differ. spec. Al. *scapo* nudo, teretiusculo : *foliis* linearibus canaliculis latis, subtus angulatis : *umbellâ* fastigiata. Lin. sp. 27.

Hab ; & notæ. *Folia* radicalia, linearia, canaliculata, subtus angulata. *Bulbus* oblongus, albus, tenuis. *Scapus* nudus, subteres, 8 pollices altus. *Flos* violaceus, *umbellâ* pauciflorâ, fastigiata.

Habitat in Chinâ, & Cochinchinâ.

Uſus : ad condidens Cibos : potens nidore, & sapore, inter allium sativum, & Cepam medio.

Thunb. Japon. pag. 132.

Sp. 6. ALLIUM ANGULOSUM.  $\alpha$  Cây bẹ.  $\beta$  Kieu tsai.

Differ. spec. Al. *scapo* nudo, ancipti : *foliis* linearibus, cananiculatis : *umbellâ* fastigiata. Lin. sp. 28.

Hab ; & notæ. *Folia* radicalia, linearia, canaliculata, carnosâ, subtus subangulata, 6 pollices longa. *Radix* bulbus linearis, albus, tunicatus, tenuissimus, repens. *Scapus* nudus, anceps, *foliis* subæqualis. *Flos* albus, *umbellâ* planiusculâ, pauciflora.

Colitur in Cochinchinâ, & Chinâ : amat loca humida.

Cepa *scapo* nudo, subangulato, farcto, *foliis* linearibus, subtus angulosis, staminibus corollâ brevioribus. Gmel. Sibir. I. p. 58. t. 14. f. 2.

Uſus. Odor, & sapor ferè idem, qui præcedentis. Dubitari licet ex ipsâ descriptione Lin., an sint diversæ species, vel solum varietas? In Cochinchinâ pro condimentis præscinduntur folia, quæ sensim renascuntur : bulbi enim vix notabiles.

#### GENUS XVI. ALOE.

Char. Gener. *Cor.* erecta, ore patulo, fundo nectarifero. *Filamenta* receptaculo inserta. Lin. sy. pl. G. 464.

Sp. 1. ALOE PERFOLIATA.  $\alpha$  Cây Nha dam : La hôi.  $\beta$  Lù hóei.

Differ. spec. Al. *floribus* corymbosis, cernuis, subcylindricis. Lin. sp. I.

Hab ; & notæ. Planta subacaulis, perennis. *Folia* sesquipedalia, subulata, carnosâ, exterius convexa, interius sub-plana, glauca, glabra, amplexicaulia, imbricata, margine utrâque spinoso-dentata. *Scapus* teres, subnudus, *foliis* longior. *Flos* luteo-ruber, corymbo sub-cylindrico, terminali, cernuo. *Cal.* o. *Corolla* campanulata oblonga, 6-fida : limbo brevi, patente. *Stamina* 6, erecta, receptaculo insidentia, corollæ subæqualia. *Capsula* supera, 3-locularis, polysperma.

Habitat agrestis in vastis arenariis regni Champayæ.

Aloe socotorina. Garc. Arom. I. r. c. 2. Kadanaku, sive Catevala.  
Rheed. Malab. l. 11. cap. 7. tab. 3.

Virtus. Purgans, Emmenagogue, Anthelminthica, Antiputredinosa,  
Vulneraria. Extractum Aloes, quo utimur, fit ex hac plantâ. Ex  
foliis recentibus, & contusis exprimitur succus, qui brevi tempore  
inspissatur ad solem, in Zonâ Torridâ ardentissimum. Ex puro suc-  
co fit Aloe Hepatica, & Sucotorina, quæ inter se vix differunt,  
nisi Velis Socotorinam dici quæ in insulâ Socotorâ paratur, & in-  
de exportatur. Caballina vero ex eâdem origine procedit, sed fæ-  
cibus inquinata.

Utuntur etiam Cochinchinenses Aloe, ut ex illâ parent gratum fer-  
culum, nec insalubre. Excoriata folia in longas taleolas dividunt,  
quas primò in aquâ alumnis macerant, postea in frigidâ: inde,  
addito modico saccharo, leviter coquunt, manentque albissimæ,  
& diaphanæ, teneræquidem, non tenaces, deposito omni virore,  
amaricie, & vi purgante, oculis, palato, & stomacho jucundæ.

### GENUS XVII. ALETRIS.

Char. Gener. Cor. infundibuliformis, rugosa. Stam. inserta laciniarum  
basi. Caps. 3-locularis. Lin. sy. pl. G. 462.

† Sp. 1. ALETRIS COCHINCHINENSIS. *α* Cây Boòng boòng

Differ. spec. Al. caulescens: foliis lanceolato-linearibus, reflexis, flo-  
re paniculato.

Hab; & notæ. Caulis fruticosus, 6-pedalis, simplicissimus, erectus.  
Folia lanceolato-linearia, integerrima, nitida, reflexa, alterna,  
amplexicaulia. Flos terminalis, viridi-luteus, racemo laxo. Cal. o.  
Corolla infera, rugosa: tubo cylindrico: limbo 6-fido, reflexo,  
laciis linearibus. Stamina 6, corollæ inserta. Capsula 3-gono-  
rotunda, 3-locularis, 1-sperma.

Habitat in Cochinchinâ in hortis culta: puto, quod etiam inculta.  
Usus. Foliorum succo utuntur indigenæ ad tingenda liba colore viri-  
di: floribus elisis vescuntur.

### GENUS XVIII. POLYANTHES.

Char. Gener. Cor. iufundibuliformis, incurva, æqualis. Filam. corollæ  
fauci inserta. Germen in fundo corollæ. Lin. sy. pl. G. 460.

Sp. 1. POLYANTHES TUBEROSA. *α* Họ huệ.

Differ. spec. Pol. floribus alternis. Lin. sp. I.

Hab;

Hab; & notæ. *Radix* bulbus tunicatus, albus. *Folia* radicalia subulata, longa, curva, reflexa, glabra. *Scapus* 3-pedalis, teres, rectus, vestitus foliis raris brevibus, aliquando ramosus. *Flos* albus, odoratissimus, alternus, spicâ longâ, terminali. *Cal.* nullus. *Corolla* tubo crasso, longo, ad basim recurvo: limbo brevi, 6-fido, patente, laciniis rotundatis. *Filamenta* 6, brevia, corollæ fauci inhaerentia. *Capsula* 3-gono-rotunda, supera, 3-locularis, polysperma. *Planta* perennis, scapo annuo. Amboinensis folia, Rumphio teste, ulnam longa, nostræ vix ultra pedem, nec angustissima.

Habitat ubique in Cochinchinæ hortis; & quanquam ob eximiam fragratiæ aestimabilis, facilimè colitur, & propagatur per bulbos. Amica Nocturna. Rumph. Amb. I. 8. c. 69. t. 98. Hyacinthus Indicus, Tuberosus. Tournef. Inst. p. 347.

### GENUS XIX. HEMEROCALLIS.

Char. Gener. *Cor.* campanulata: tubo cylindrico. *Stamina* declinata: Lin. sy. pl. G. 467.

Sp. 1. HEMEROCALLIS FULVA. a Rau hién. b Kim châm hōa.

Differ. spec. Hem. *corollis* fulvis. Lin. sp. 2.

Hab; & notæ. *Caulis* 4-pedalis, erectus, simplicissimus, glaber. *Radix* fasciculata, bulbis subulatis. *Folia* subulata, longa, canaliculata, glabra, reflexa. *Flos* magnus, luteo-ruber, paniculâ terminali, pauciflorâ. *Cal.* o. *Corolla* infundibuliformis, infera, tubo cylindrico, longissimo: limbo ampio, 6-partito, patente, undulato. *Stamina* 6, declinata, corollæ æqualia. *Capsula* 3-gona, 3-locularis, polysperma.

Habitat culta in Cochinchinâ, & Chinâ.

Burm. Ind. p. 84. Thunb. Japon. p. 142. *Lilium rubrum*, Asphodeli radice. Bauh. Pin. p. 8C. n. 2.

Uſus. Floribus istis tum recentibus, tum exsiccatione conservatis, & cum carnibus elixatis vescuntur libenter indiginæ.

Variat flore pleno, laciniis corollæ 10, staminum numero indeterminato, habitu, & colore similis.

### GENUS XX. ORNITHOGALUM.

Char. Gener. *Cor.* 6-petala, erecta, persistens, supra medium patens. *Filamenta* alterna basi dilatata. Lin. sy. pl. G. 451.

Sp. 1.

† Sp. 1. ORNITHOGALUM SINENSE. β Tien suón.

Differ. spec. Orn. *scapo* tereti, sulcato : *spicā* simplici, longā, erectā. Hab ; & notæ. *Radix* bulbus ovatus, tunicatus, sesquipollicem longus. *Folia* radicalia, subulato-linearia, stricta, canaliculata, glabra. *Scapus* simplicissimus, 2-pedalis, rectus, teres, polysulcus, nudus. *Flos* parvus, violaceus : *spicā* simplici, longā, erectā : pedunculis propriis brevibus. *Cal.* communis o : proprius spatha lanceolata, parva, persistens. *Corolla* infera, profundè 6-partita, erecta. *Stamina* 6, æqualia, integra, alterna basi dilatata. *Capsula*, 3-gono-ovata, 3-locularis, 1-sperma.

Habitat Cantone Sinarum.

Observ. Hæc species magnam affinitatem habet cum Ornithogalo Japonico. Thunb. Jap. p. 137. Attamen in nostrâ, quam domi colui, flos in spicam nullatenus ramosam, sive racemosam attollitur. Petala nec sunt distincta, nec satis patentia. Foliolum, quod corollæ supponitur, illam involvebat, ideoque spatham voco, non bracteam.

### GENUS XXI. FRITILLARIA.

Char. Gener. *Corolla* 6-petala, campanulata, supra unguis cavitate nectariferâ. *Stam.* longitudine corollæ. Lin. sy. pl. G. 444.

† Sp. 1. FRITILLARIA CANTONIENSIS. α Lin ni hōa.

Differ. spec. Frit. *foliis* trinerviis, summis oppositis : *floribus* geminis, axillaribus.

Hab ; & notæ. *Caulis* annuus, simplicissimus, durus, tenuis, teres, erectus, 1½-pedalis. *Folia* 3-nervia, glabra, integrerrima, basi rotundata, inde conica, acumine longo, inferiora alterna, suprema opposita. *Flos* axillaris, 2-natus, pendulus, fusco-purpureus totus, inodorus. *Cal.* nullus. *Corolla* 6-petala, crassa, 6-gona, erecta, subclausa : *staminibus* 6, corollæ æqualibus. *Stylus* sublongior, 3-fidus : *stigmatibus* simplicibus. Petalorum basis crenâ nectariferâ. *Capsula* supera, subrotunda, 3-loba, 3-locularis, polysperma : *seminibus* 3-4, inæqualibus.

Colitur Cantone Sinarum.

Observ. Colore convenit cum Frit. Serotinâ atropurpureâ. Bauh. Pin. p. 64. n. 8. Convenit etiam in situ variante foliorum cum Frit. Pyrenaicâ Linnæi sp. 5. ab utrâque tamen specie differt.

## GENUS XXII. LILIUM.

Char. Gener. *Cor.* 6-petala, campanulata : linea longitudinali, ne-  
tariferâ. *Caps.* valvis pilo cancellato connexis. Lin. sy. pl. G. 443.

Sp. 1. LILIUM CANDIDUM.  $\beta$  Pé hō.  $\alpha$  Bạch hạp hōa.

Differ. spec. *Lil. foliis* sparsis : *corollis* campanulatis, intus glabris.  
Lin. sp. 1.

Hab ; & notæ. *Radix* bulbus squamosus, subrotundus. *Caulis* 3-pe-  
dalîs, annuus, simplicissimus, rectus, teres, foliosus totus. *Folia*  
sparsa, radicalia subulata, caulina lanceolata, striata. *Flores* termi-  
nales, pauci, magni, albissimi, inodori : *calyce* nullo : *corollâ* re-  
flexâ, campanulata, petalis 6, semirevolutis, intus glabris, linea  
longitudinali exaratis. *Stigma* 3-gonum. *Capsula* trigono-oblonga,  
3-locularis, polysperma.

Colitur in Chinâ, & Cochinchinâ.

Hall. Helv. n. 1231. *Lilium album*, floribus dependentibus. Bauh. Pin.  
p. 76. n. 2.

Virtus : radicis. Emolliens, Anodyna.

Sp. 2. LILIUM POMPONIUM.  $\beta$  Cuôn tân hōa.

Differ. elpec. *Lil. foliis* sparsis, subulatis : *floribus* reflexis. *Corollis*  
revolutis. Lin. sp. 3.

Hab ; & notæ. *Radix* bulbus squamosus. *Caulis* 2-pedalis, annuus,  
rectus, teres. *Folia* sparsa, subulata, striata. *Flos terminalis*, pau-  
cus, magnus, reflexus. *Calyx* nullus. *Corolla* 6-petala, integrè  
revoluta, croceo-rubra, intus scabra, maculis nigris punctata. *Flos*  
pulcherrimus, inodorus. *Bulbi* globosi, parvi, nigri, axillis folio-  
rum adnati.

Colitur Cantone Sinarum.

Thunb. Japon. p. 134. *Lilium montanum*, floribus reflexis, rubris,  
maculis purpureis inscriptum, foliis angustioribus. Amman. Ruthen.  
p. 106. n. 139.

Sp. 3. LILIUM CAMSCHATCENSE.  $\beta$  Chū tân hōa.  $\alpha$  Lón dièo tàu.

Differ. spec. *Lil. foliis* verticillatis : *flore* erecto, *corollâ* campanu-  
lata, *petalis* sessilibus. Lin. sp. 8.

Hab ; & notæ. *Radix* bulbus subrotundus, squamosus, parvus. *Caulis*  
annuus, 1-pedalis, simplicissimus, teres. *Folia* sparsa, verticilla-  
taque, lanceolato-linearia, erecta, glabra. *Flos terminalis*, paucus,  
erectus, sesquipollicaris, coccineus. *Cal.* nullus. *Corolla* 6-petala,  
campanulata, sub-erecta, nec revoluta, basi attenuata : *filamentis*  
*corol-*

corollâ brevioribus. *Stigma* 3-gonum. *Capsula* supera, trigono-oblonga, 3-loclaris, polysperma.

Habitat in Chinâ: in Cochinchinâ rarius.

Lilium reflexum, montanum, humile, angustifolium, aurantium, Sarana Mungulis. Amman. Ruthen. pag. 105. n. 138.

### GENUS XXIII. ORONTIUM.

Char. Gener. *spadix* cylindricus, tectus flosculis. *Cor.* 6-petalæ, nudæ. *Stylus* nullus: *folliculi* 1-spermii. Lin. sy. pl. G. 469.

† Sp. 1. ORONTIUM COCHINCHINENSE.  $\alpha$  Thuy xuong bo.  $\beta$  Xué châm pú.

Differ. spec. Or. *foliis* ensiformibus, longis, carinatis.

Hab; & notæ. *Planta* perennis, caule subnullo. *Radix* horizontalis, simplex, repens, articulata, sulcis articularibus approximatis, radiculas emitentibus, compressa, exterius fusca, intus pallida, subaromatica. *Folia* ensiformia, dorso utrinque elevato, 3-pedalia, pollicem lata, glabra, ad basim equitantia, superius expansa. *Scapus*, pedunculi, calyx nulli. *Spadix* cylindricus, 2-pollicaris, solidus flosculis tectus, e latere folii supra medium erumpens. *Corolla* 6-partitæ, patentes, nudæ: *staminibus* 6. *Stylus* nullus. *Stigma* obtusum. *Bacca* subrotunda, exsucca, vel, si malis, folliculus 1-spermus, superus.

Habitat in paludibus, & locis aquosis Cochinchinæ, & Chinæ, non fluctuans.

Acorum Palustre. Rumph. Amb. I. 8. c. 23. pag. 179. t. 72. f. 1. Orontium Japonicum. Thunb. Jap. p. 144.

Observ. Quamvis Amboinensis, & Japonica species non omnino cum nostrâ cohærent, multo magis ab omnibus differt Americana a Linnaeo exposita. Amæn. Acad. 3. p. 17. t. 1. f. 3.

### GENUS XXIV. ACORUS.

Char. Gener. *Spadix* cylindricus, tectus flosculis. *Cor.* 6-petalæ, nudæ. *Stylus* o. *Caps.* 3-loclaris. Lin. sy. pl. G. 468.

Sp. 1. ACORUS CALAMUS.  $\alpha$  Thach xuog bo.  $\beta$  Xé châm pú.

Differ. spec. Ac. *foliis* ensiformibus, brevibus, planiusculis.

Hab; & notæ. *Planta* perennis, caule nullo. *Radix* horizontalis, repens, simplex, tenuis, compressa; articulis multis, subrotundis, exterius fulvis: odore aromatico, sapore ardent, amaricante. *Folia* ensiformia, vix pedalia, sub-plana, erecta, equitantia. *Spadix* digi-

digitiformis, parvus, flosculis tectus, e folio prodiens infra apicem. Flosculos, & capsulam non vidi.

Habitat in montibus, & locis petrosis Cochinchinæ, & Chinæ.

Acorus Terrestris. Rumph. Amb. l. 8. c. 23. p. 178. Acorus Asiaticus, radice tenuiore. Burm. Zeyl. p. 6. Herm. Lugdb. p. 9.

Virt. Rad. Attenuans, calefaciens, Deobstruens. Vocem, auditum, & visum acuit. Prodest contra vertiginem, & melancholiam, ac anorexiam. Usus apud Asiaticos præcipuus in decoctis.

Observ. Cum Orontium, & Acorus in Indiâ eâdem ferme gaudeant formâ, & illius fructus, non istius a me observatus fuerit, adhuc dubius maneo, an genere differant? Orontio in Medicinâ vix aliquis utitur. Acoro multi, & efficaciter.

### GENUS XXV. CALAMUS.

Char. Gener. *Cal.* 6-phyllus. *Cor.* o. *Bacca* exarida, 1-sperma; retrorsum imbricata. Lin. sy. pl. G. 470.

Habitus communis Generi. *Caulis* perennis, simplicissimus, longus, teres, inermis, solidus, articulatus, procumbens, vel scandens, acirrus. *Frondes* magnæ, palmiformes, alternæ, reclinatæ, vaginantes, vaginis articulos veltientibus, spinosis: stipitibus pariter spinosis. *Folia* alterna, sub-lanceolata, integerrima, vix pedem longa, sœpe 3-nervia, pilis longis, duriusculis, raris. *Flos* plerumque hermaphroditus, subterminalis: *spadice* uno, vel pluribus, ramosis, magnis diversæ formæ in diversis speciebus: *spathis* vel communi, vel partialibus, raro nullis. *Bacca* semper 1-sperma, arida, subrotunda, parva, supera, retrorsum imbricata, squamis plurimis, subrotundis, ordinatis, arctatis, coriaceis.

† Sp. 1. CALAMUS PETRÆUS. a May dā.

Differ. spec. *Cal. caule* crassissimo, sulcato: *articulis* brevibus: *spinis* longis, rectis.

Hab; & notæ. *Caulis* 100 pedalis, brachium crassus, omniumque crassissimus: articulis 1-pedalibus, cylindricis, sulcatis, maculatis, inæqualibus. *Frondes* spinis rectis, longis, densis. *Spadix* terminalis, longissimus. *Flos* calyce 6-partito, corollâ o. Stamina 6. Stylus 3-sidus. *Bacca* subovata, acuminata.

Palmijuncus Calaparius. Rumph. Amb. l. 7. c. 53. t. 51.

Uſus. Pro maiorum hastarum manubriis.

† Sp. 2. CÁLAMUS RUDENTUM a May Saong.

Differ. spec. *Cal. caule* longissimo, æquali: *spinis* inversis.

Hab; & notæ. *Caulis* 500, & utra pedes longus, pollicem crassus, Dd æqua-

æqualis, tenacissimus, albo-cinereus, nec nitidus: *articulis* sesqui-pedalibus, teretibus, subæqualibus: *frondibus* brevioribus: *spinis* retroflexis: *spadycibus* subterminalibus, laxis, amplis. *Floribus* regularibus: *stylo* 3-fido: *Baccâ* retro imbricatâ, parva.  
Habitat in sylvis Cochinchinæ: sicut etiam præcedens species.  
Palmijuncus Albus. Rumph. Amb. I. 7. c. 55. t. 53.  
Usus. Pro navium rudentibus: ad magna onera trahenda, ad elephan-tos indomitos coercendos, & alligandos.

† Sp. 3. CALAMUS SCIPTIONUM.  $\alpha$  Hèò tau.

Differ. spec. Caul. *articulis* longissimis, subulatis, nitidis.  
Hab; & notæ. *Caulis* crassus, longitudine mediocris, nitidissimus, rutilus, maculis nigris sœpe distinctus: *articulis* 3-pedalibus, subulatis, inæqualibus: *frondibus* spinosis, brevioribus: *spadycæ* crasso, ramoso, ramulis brevibus, paucifloris: *calyee* 6-partito: *stylo* 3-fido. *Florem* recentem non vidi.  
Habitat imprimis in sylvis Malaiorum, ex utrâque parte freti Malacensis: undè abundanter in Sinas, & in Europam exportatur.  
Arundo Rotang. Pif. Mant. p. 188. Icone ibi.  
Usus. Pro baculis ex dignitate, vel elegantiâ manu gestandis.

† Sp. 4. CALAMUS VERUS.  $\alpha$  Mây nước: Mây ra.

Differ. spec. Cal. *frondibus* longissimis, *spinis* confertis. longis: *spa-dyce* brevi: *corolla* 3-petalâ.  
Hab; & notæ. *Caulis* 100 pedalis, luteo-fuscus, æqualis, flexilissimus, digitum crassus: *articulis* longis, teretibus, subæqualibus. *Frondes* longissimæ: *spinis* rectis, longis, confertis: *foliolis* ova-to-lanceolatis, 3-nerviis, maiusculis, alternis. *Spadix* racemosus, brevis: *spathâ* oblongâ, aculeatâ. *Cal.* 3-partitus. *Corolla* petala 3, alba, acuta, patentia, calyce longiora. *Bacca* maiuscula, fusca.  
Habitat in sylvis tam montanis, quam planis Cochinchinæ.  
Palmijuncus Verus. Rumph. Amb. I. 7. c. 56. t. 54.  
Usus. Ex caule in lora fisso, medullâ rejectâ, torquentur funes quilibet, etiam crassissimi ad anchoras maiorum navium sustinendas. Eisdem colligantur tabulata domorum, & navium, in quibus, mo-re gentis nullus clavus. Aptissimus quoque, & frequentissimus est usus in Indiâ ad liganda, & conformanda plurima utensilia tam do-mestica, quam ruralia.

† Sp. 5. CALAMUS AMARUS.  $\alpha$  Mây dáng.

Differ. spec. Cal. *spinis* confertis brevibus: *foliolis* linearibus: *spa-dycebus* remotis: *spathis* partialibus.  
Hab; & notæ. *Caulis* longus 60 pedes, digitum crassus, duriuscu-lus,

*lus*, lœvis, pallidus, articulis longis, subæqualibus, teretibus. *Frondes* longæ, foliolis lanceolato-linearibus: *spinis* brevibus, congestis. *Spadyces* sub-terminales, spicati, multi, longè ab invicem distantes: *spathis* partialibus. *Cal.* 6 - partitus. *Cor.* o. *Stylus* 3-fidus. *Stamina* 6. *Bacca* 1-sperma, imbricata.

Habitat in sylvis Cochinchinæ.

Uſus. Idem, qui præcedentis speciei. Duratione constantior, duritie difficilior.

† Sp. 6. CALAMUS DIOICUS. a May tāt.

Differ. spec. Cal. caule tenuissimo: *frondibus*, & *spinis* brevioribus: *stipe* dioico.

Hab; & notæ. *Caulis* tenuis, pennam anserinam crassus, 20 pedes longus, æqualissimus, flexilissimus, pallidus, nitidus: *articulis* pedalibus, *frondibus*, & *spinis* omnium brevissimis. *Flos* masculus, & fæmina in diversis plantis. *Cal.* 3-dentatus minimus. *Corolla* petala 3, ovato-lanceolata, striata, alba. *Stamina* 6. *Stylus* 3-fidus. *Bacca* squamosa, 1-sperma.

Habitat in sylvis Cochinchinæ, prope flumina, & litora.

Palmijuncus Equestris? Rumph. Amb. I. 7. c. 58. t. 56. Palmijuncus Viminalis? Ibi cap. 57. t. 55. Aliquatenus cum nostro convenient, sed non in totum.

Uſus ad texenda, vel connectenda minora opera, & pulchriora.

Obſerv. Omnes prædictæ Calami plantæ inter ſe ſpecie differunt; namque in locis diſtantissimis, abſque ullâ culturâ progenitæ ſemper eundem habitum, & proprios mores fervant. Multas alias vidi in Cochinchinâ, Champavâ, Cambodiâ, & freto Malacensi; quas prætermitto lubens defectu akribiæ ad examen Botanicum requiſite. Omnes reētè dicuntur a Rumphio Palmijunci, quia Palmis valde affines, & flexiles ut Juncus.

#### GENUS XXVI. FLAGELLARIA.

Char. Gæner. *Cal.* 6-partitus. *Cor.* o. *Bacca* 1-sperma, lœvis. Lin. ſy. pl. G. 486.

Sp. 1. FLAGELLARIA INDICA. a May baōc.

Differ. spec. Flag. caule tereti, scandente: *foliis* ovatis, cirrho terminatis.

Hab; & notæ. *Caulis* perennis teres, 20-pedalis, scandens: ramis rariss. *Folia* simplicia, oblongo-ovata, acuminata, cirrho, terminata, 3-nervia, glabra, alterna, petiolis vaginantibus, inermibus. *Flos* albus racemo laxo, terminali: *calyce* 6-partito: corollâ nul-

Jâ. *Stamina* 8, brevia. *Stylus* 3-fidus. *Bacca* supera, subrotunda, glabra, rubra, 1-sperma, lævis, succosa.  
 Habitat agrestis in locis planis Cochinchinæ.  
*Palmijuncus* lævis. Rumph. Amb. I. 7. c. 60. t. 59. f. 1. Panambu valli.  
 Rheed. Malab. I. 7. p. 99. t. 53.  
 Virt. Foliorum. Astringens, Vulneraria.

† Sp. 2. FLAGELLARIA REPENS. a May baoc bo cay.  
 Differ. spec. Flag. *caule* angulosum, repente: *foliis* articulato-geminis.  
 Hab; & notæ. *Caulis* perennis, angulosus, 12-pedalis, ramosus, inermis, subparasiticus, ad arbores ad repens, radice originariâ terrestri. *Folia* linearia, medio articulo appendiculata, glabra, alterna, semiamplexicaulia. *Flos* terminalis, spadice, longo, fasciculato. *Spatha* communi linearis. *Calyx* nullus. *Corolla* nulla. *Stamina* 6, basi dilatata. *Stigma* sessile, 3-partitum. *Bacca* subrotunda, glabra, rubra, 1-sperma, lævis.  
 Habitat agrestis in locis planis Cochinchinæ. Ex terrâ assurgit, & radiculis lateralibus per arbores repit.  
 Appendix duplo folio, Tapinawa. Rumph. Amb. I. 9. c. 90. p. 490. tab. 184. f. 1. Duas alias plantas in eâdem tabulâ simili folio gaudentes non observavi.

## G E N U S XXVII. C O R Y P H A.

Char. Gener. *Cal.* . . *Cor.* 3-petala. *Stam.* 6. *Pist.* 1. *Drupa* 1-sperma. Lin. sy. pl. G. 1337.

† Sp. 1. CORYPHA SARIBUS. a Cay Tlo.  
 Differ. spec. Cor. *frondibus* in orbem polyfidis, plicatis: *spadice* racemofo, reclinato.  
 Hab; & notæ. *Palma* magna, trunco recto, crasso, æquali. *Frondes* 3-pedales, in orbem plicatae, plurifidæ: *lacinias* subulatis, glabris, filamentis nullis interjectis: *stipitibus* spinosis, crassis, longis, reclinatis. *Fos* Hermaphroditus, *spadice* racemofo, longo, demissio. *Petala* 3 patentia. *Stamina* 6. *Calicem* non observavi: fortasse deciderat. *Drupa* 1-pollicaris, subrotunda, lævis, cinerea, farinosa-carnosa: nucleo solido; subrotundo.

Habitat in sylvis Cochinchinæ.

Saribus. Rumph. Amb. I. 1. c. 8. t. 8. Ipsem Rumphius judicat hanc palmam specie differre a Codda-pana Horti Malabarici: proindeque dubium manet an sit Corypha Umbraculifera Linnæi. Nostra quidem quotannis floret in Cochinchinâ.

Ufus. Ex frondibus umbracula, & flabella fiunt. Utilissimæ quoque sunt

sunt ad tegendas domos ; diutius enim durant , nec facile ignem concipiunt , ut alia stramina. *Drupæ* recentes muriā , vel aceto maceratae embamma præbent haud ingratum.

† Sp. 2. CORYPHA AFRICANA. γ Mulale.

Differ. spec. Cor. *frondibus* in orbem polyfidis , plicatis : *spadice* coarctato , suberecto : *floribus* Monoicis.

Hab ; & notæ. *Palma* mediocris , 12 pedes alta : *stipitibus* longis , spinosis. *Frondes* polyfidæ , in orbem radiatæ , laciniis basi plicatis , apice acutis. *Flos* Monoicus : *spathâ* brevi : *spadice* ramoso , coarctato , linearî , suberecto : *squamis* strobiliformibus , singulos Masculum , & Fœminum includentibus. *Calyx* 3 - phyllus , membranaceus. *Corolla* 3 - petala , Calyce longior. *Stamina* 6 , subseffilia. *Drupa* subpyriformis , ovo anatis æqualis : cortice exteriore coriaceo , interiore putamine osseo , ovato : medullâ albâ , inani , *Palmae* Cocos simili.

Habitat in sylvis Africæ Orientalis , nec alibi a me visa.

† Sp. 3. CORYPHA PILEARIA. α Cay Lá lip.

Differ. spec. Cor. *Frondibus* digitatis : *foliolis* linearibus , obtusis : *spadice* spicato , erecto.

Hab ; & notæ. *Palma* , caule , 4 - pedali , crassiusculo : *stipitibus* erectis , longis , paucis , inferius spinosis. *Frondes* in orbem digitatæ : *foliolis* linearibus , longis , obtusis , præmorsis flexilibus , polyplacatis , lævibus. *Flos* Hermaphroditus : *spadice* magno , erecto , lato , composito spicis longis , simplicibus. *Calyx* 3 - fidus , laciniis acutis , brevibus. *Corolla* 3 - partita : laciniis ovatis , acutis , patentibus , calyce longioribus. *Stamina* 6 , corollâ breviora. *Stigma* fessile , acutum , 2 - fidum. *Drupa* subrotunda , monosperma , coriacea , fusco-viridis , minuta.

Habitat in sylvis Cochinchinæ.

Liguala , Saribus pumila. Rumph. Amb. I. I. p. 44. t. 9. ex Auctuario.

Uſus. Foliola hujus Palmæ solent Cochinchinenses subternere pileis , quos structurâ reticulatâ eleganter formant. Inde nomen vernaculum Palmam Pileorum indicans.

G E N U S XXVIII. J U N C U S.

Char. Gener. *Cal.* 6 - phyllus. *Cor.* o. *Caps.* 1 - locularis. Lin. sy. pl. G. 471.

Sp. 1. JUNCUS BULBOSUS. α Co mang chau si v ho boi .

Differ. spec. Junc. *foliis* linearibus canaliculatis : *capsulis* obtusis. Lin. sp. 10. Hab ;

Hab; & notæ. *Culmus* foliosus, 2-pedalis, erectus subanceps, geniculatus: *radice* repente, densa, tenacissimâ. *Folia* subulato-linearia, amplexicaulia, trigono-concava striata, glabra. *Flos* spicis secundis, tenuibus, longis, ad apicem culmi fasciculatis. *Calyx* 6-phyllus, foliolis distichè imbricatis. *Corolla* nulla. *Stamina* 6, calyce longiora. *Semen* 1, longiusculum, scabrum. De capsulâ nihil annotavi, nec modo memini.

Habitat passim ad vias, & hortos Cochinchinæ minus cultos.

Virt. Rad. habetur Diuretica, Refrigorans.

## DIGYNTIA.

### GENUS XXIX. ORYZA.

Char. Gener. *Cal.* gluma 2-valvis, 1-flora. *Cor.* 2-valvis, subæqualis, semini adnascens. Lin. sy. pl. G. 483.

#### ORYZA SATIVA. α Lúa. β Méu: Hö. Lin. sp. 1.

Hab; & notæ. *Culmus* ab 1 ad 6 pedes longus, annuus, erectus, simplex, teres, articulatus. *Folia* subulato-linearia, glabra, aspera, reflexa, amplexicaulia, nec carnosa. *Flos* paniculâ terminali. *Calyx* 1-florus, 2-phyllus, minimus, foliolis lanceolatis. *Corolla* gluma 2-valvis, concava, longitudine æqualis: *valvâ* interiore, lævi, muticâ: exteriore duplo latiora, 4-fulgâ, hispidâ, aristatâ. *Filamenta* 6, capillaria, corollæ æqualia: *antheris* oblongis. *Stylus* unicus, 2-partitus: stigmatibus plumosis, longiusculis. *Semen* 1, oblongum, compressum, corollâ involutum.

Colitur per totam Cochinchinam, Champávam, Cambodiam, Siamum, Chinam Australem, imo per totam fere Indiam tam intra, quam extra Gangem, ubi est Indigenarum Cibus quotidianus.

Dioscor. l. 2. cap. 88. Matth. com. fig. ibi. Pomet. Drog. l. 1. p. 15. f. 16.

Observ. Agnosco inter plurimas varietates Oryzæ (quæ omnes sativæ sunt) dari etiam species, non tam culturâ, quam naturâ distinctas. Hoc suadent diversum tempus, quo libere nascuntur, diversum solum siccum, vel aquosum, quod exigunt, & præcipue diversa semina, quæ unaquæ sibi propria vendicat, nec aliter tractari sinunt. Notas quoque Botanicas in quâlibet specie inveniri non dubito: quamvis eas minus sedulò observaverim, præsertim, quia diverso tempore florent; ideoque ex recentibus inter se collatis differentias eruere non potui. Quatuor subsequentes species proponere visum fuit, non quidem ut jam certis, & constantibus notis stabilitas, sed ad viam aperiendam novis observationibus, quibus vel confirmentur, vel corriganterur.

Sp. I.

† Sp. 1. ORYZA COMMUNISSIMA. α Luá chinh muà.

Notæ. *Culmus* 4-pedalis. *Panicula* spicata, spicis plerumque simpli-cibus. *Fructus* oblongus, pallidus: *aristis* longis. Serotina, metitur 6-8 mensibus a plantatione elapsis. Habitat in locis paludosis: siccitate, vel falsagine modicâ flaccescit, auctâ perit.

Pady taun. Rumph. Amb. l. 8. cap. 30.

† Sp. 2. ORYZA PRÆCOX. α Luá thang tlám.

Notæ. *Culmus* 3-pedalis. *Panicula* spicata, spicis ramosis. *Fructus* turgidus, fusco-ruber: *aristis* brevioribus. Quarto mense maturescit, & metitur. Habitat in locis padulosis: non læditur inundatione falsâ.

Pady djiji. Rumph. Amb. l. 8. cap. 30.

† Sp. 3. ORIZA MONTANA. α Luá réy.

Notæ. *Culmus* 3-pedalis, tenuior. *Fructus* longiusculus: *aristis* omnium longissimis. Seritur in montibus, & locis aridis. Inundatione longâ putreficit: aquâ marinâ perit.

Pady baggea. Rumph. Amb. l. 8. c. 30.

Sp. 4. ORYZA GLUTINOSA. α Luá nep. β Nô.

Notæ. *Culmus* 4-pedalis. *Folia* latiora, flavescens. *Panicula* magna, *aristis* brevioribus. *Semen* oblongum, maiusculum, glutinum, plerumque albissimum. Habitat in locis tam aquosis, quam siccis. Est varietas semine nigerrimo, sapidoire: est etiam rubro.

Oryza Glutinosa, Bras Pulu. Rumph. Amb. l. 8. c. 31. p. 201. Berg. Mat. Med. p. 294.

Usus. Omnes species, & varietates Oryzæ nutriunt non minus quam triticum. Neque comprobatum est, ut vult Bont. (Jav. l. 2. c. 16.) oryzam ex coctione adhuc calentem inducere cæcitatem: calidâ enim vescuntur Sinenses, & Cochinchinenses, imo Europæi, nec tamen plures orbitate oculorum laborant, quam in reliquis nationibus. Glutinosa palato gratior, quam stomacho, in quo difficiliter digeritur; ideoque bellariis potius inservit, quam communis cibo. Vinum ex eadem destillatum, vel simpliciter fermentatum est etiam sapidius, & dulcius, minimèque pravo odore inquinatum, ut solet esse vulgare *Samsu* Contoniense. In re Medicâ bonum dat Conglutinans contra fluxum ventris, maximè dysentericum. Ex seminibus tostis, addito mele, fit lenimentum, quo ulcera fœdida, & humida excitantur, & mundantur.

## TRIGYNIA.

GENUS XXX. MELANTHIUM.

Char. Gener. *Cor. 6-petala. Filamenta ex elongatis unguibus corollæ. Lin. sy. pl. G. 489.*

† Sp. 1. MELANTHUM COCHINCHINENSE.  $\alpha$  Thien mòn doung.  
 $\beta$  Tiễn mòn tūm.

Differ. spec. *Mel. petalis sessilibus : foliis triquetris : floribus solitariis, axillaribus.*

Hab; & notæ. *Caulis 6-pedalis, fruticosus, multiplex, teres, tenuis, ramotus, procumbens, aculeatus, aculeis sparsis, brevibus. Radix fasciculata, tuberibus oblongis, carnosis, fusco-rufis. Folia linearia, triquetra, stellato-terna, integerrima, glabra, minuscula, inæqualia. Flos albus, pedunculis 1-floris, axillaribus. Calyx 0. Corolla petala 6, oblonga, staminifera, sessilia. Capsula 3-locularis, 2-sperma : seminibus subrotundis, nigerrimis, scabris, quorum unum, vel alterum materescit, reliquis suffocatis. Pistillum trigynum.*

Habitat frequens in sepibus aridis in Cochinchinâ, & Chfnâ.

Observ. Affinitatem habet cum Melanthio Indico Koenigii a Linnæo  
Citati. specie 4.

Virt. Tuber. Humectans, Expectorans. Prodest in phtysi, siti, & calore febrili. In usum etiam venit, & jucundè sapit saccharo conditum.

GENUS XXXI. RUMEX.

Char. Gener. *Cal. 3-phyllo. Petala 3, conniventia. Semen 1. triquetrum. Lin. sy. pl. G. 485.*

Sp. 1. RUMEX CRISPUS.  $\alpha$  Cây dieo hoang.

Differ. spec. *Rum. floribus hermaphroditis : valvulis integris, graniferis : foliis lanceolatis, undulatis, acutis. Lin. spec. 5.*

Habitus, & notæ. *Caulis sesquipedalis, suberectus, teres, sulcatus, crassus, glaber. Folia lanceolata, integerrima, undulata, glabra, reflexa, ad basim congesta, densa. Flos flavo-viridis, spicis interrupte verticillatis. Corolla valvulis omnibus integerrimis, graniferis, 3-setis. Fores omnes hermaphrodoti. Calyx 3-phyllo, brevis. Semen triquetrum.*

Gmel. Sibir. 3. p. 112. Tunb. Jap. pag. 148.

Habi-

H E X A N D R I A . T R I G Y N I A .

8217

Habitat in Cochinchinâ prope flumina.

Uſus. Esculentus.

Obs. Ratione valvularum ſetiferarum ad Ægyptiacum (sp. 7.) pertinere videbatur: fed in iſto valvula unica granifera, in noſtro omnes tres, reliquaque omnia ad Crispum abducunt.

+ Sp. 2. RUMEX HOSTILIS.  $\alpha$  Cay dieò gai.

Differ. ſpec. Rum. floribus dioicis: valvulis nudis: caule aculeato. Hab; & notæ. Caulis 3-pedalis, erectus, teres, aculeatus. Folia lanceolata, integerrima, plana, patentia. Flos dioicus, spicatus: valvulis omnibus nudis, integerrimis, glabris, inermibus. Semen triquetrum. Petala 3, virescentia.

Habitat Agrestis in Cochinchinâ.

T E T R A G Y N I A .

+ G E N U S XXXII. S P A T H I U M .

*Descriptio Naturalis.*

Cal. Spatha 1-phylla, subrotunda, patula, pedicellata, 1-flora, exotica.

Cor. Nulla.

Stam. Filamenta 6, brevia, receptaculo insidentia. Antheræ biloculares, subrotundæ.

Pift. Germen subrotundum, 4-corne. Stylus nullus. Stigmata 4, oblonga, reflexa.

Peric. Baccæ 4, ovatæ, acuminatæ, 1-spermæ.

Sem. Subrotunda.

Nom. ( $\Sigma \pi\alpha\theta\eta\sigma$  parva spatha) a Calyce spathiformi, exotico.

Char. Gener. Cal. *spatha* subrotunda, pedicellata. Cor. 0. Baccæ 4, 1-sperma.

+ Sp. 1. SPATHIUM CHINENSE.  $\beta$  Thong pin ngau.

Differ. ſpec. spath. foliis cordatis, 5-nerviis: ſtore spicato.

Hab; & notæ. Caulis erectus, 3-pedalis, herbaceus, ramis diffusis, fulcatis, flaccidis. Folia cordata, lanceolata, 5-nervia, glabra, ſparsa: petiolis amplexicaulibus. Flos apetalus, spicis linearibus, subterminalibus.

Habitat in locis paludofis, prope Cantonem Sinarum.

Observ. Spathium noſtrum, & Aponogeton (Lin. Jun. ſup. pl. Claf. 7.

Ee

p. 32,

p. 32, & 214.) natalibus aquosis convenire videntur, nec charactere Generico longè distant. In Aponogetone classis est arbitraria, quia staminum numerus inconstans: in nostro vero constans est. Utrique propinquum est etiam Potamogeton. Lin. sy. pl. Cl. 4. G. 186. Suntne hæc tria in unum Genus reducenda? An separatim servanda? Potamogeton locatum fuit in Teträndria, Aponogeton Heptandriæ insertum, Spathium Hexandriam occupat. Hujus ego pericarpium dixi baccas: potuisse dicere folliculos. Capsulæ certè non sunt, quia evalves. Nec nuda semina potuisse dicere; siquidem duplice cortice gaudent, exteriore crassiore, & laxiore, quod nudi feminis proprium non judico.

CLASSIS VII.  
HEPTANDRIA.  
MONOGYNIA.

<sup>t 1.</sup> LAGUNEA. *Cal. o. Cor. infera, campanulata, 5-partita. Semen 1, nudum.*

<sup>t 2.</sup> STYLEDIUM. *Cal. o. Cor. infera, columnaris, 7-petala. Drupa, nuculâ scabrà.*

TETRAGYNIA.

<sup>t 3.</sup> ASTRANTHUS. *Cal. o. Cor. infera, radiata, 14-fida, Semen 1, tubo corollæ fotum.*

## MONOGYNIA.

## † GENUS I. LAGUNEA.

## Descriptio Naturalis.

Cal. Squama 3-4-flora. Perianthium proprium o.

Cor. Monopetala, campanulata: tubo brevi: limbo 5-partito, lacinia ovatis. Nectarium glandulis septem.

Stam. Filamenta 7, subulata, corollæ æqualia, nectario insidentia. Antheræ ovatæ, 2-loculares, incumbentes.

Pist. Germen subrotundum, superum. Stylus 2-fidus, æqualis staminibus. Stigmata crassiuscula.

Peric. nullum.

Sem. 1, nudum, orbiculatum, acuminatum, nitidum.

Nom. In memoriam Doct. Andreæ Lagunæ, qui Botanicam Dioscoridis in linguam Hispanicam transtulit, & illustravit.

Char. Gener. Cal. o. Cor. campanulata, 5-partita. Semen 1, superum, nudum.

† Sp. 1. LAGUNEA COCHINCHINENSIS. α Cây Ngai bà. β Pā niū.

Differ. spec. Lag. ramis postratis: foliis pilosis: paniculâ spicatâ.

Hab; & notæ. Caulis herbaceus, perennis, 6 pedes longus, suberectus, crassus, flacidus, tortuosus, geniculatus: ramis postratis, aliquando repentibus. Folia magna, subcordata, conica, integerima, utrinque pilosa, costis crassis, arcuatis, parallelis: petiolis amplexicaulibus: stipulis vaginantibus, pilosis. Flos albus, terminalis, parvus, multus, paniculis in spicas desinentibus.

Habitat frequenter prope fossas in Cochinchinâ, etiam in Chinâ.

Virt. Totius herbæ. Discutiens, Resolvens. Valet imprimis ejus usus tam externus, quam internus in genuum tumescentium curatione, qui morbus indigenis familiaris, & valde rebellis.

## † GENUS II. STYLIIDIUM.

## Descriptio Naturalis.

Cal. nullus.

Cor. Infera, petala 7, linearia, erecta, in longum cylindrum mutuo adhærentia: in senectute aliquando reflexa.

Stam. Filamenta 7, brevia, plana, subcoalita, receptaculo insidentia.

tia. Antheræ lineares, stantes, corollam æquantes.  
Pist. Germen subrotundum. Stylus filiformis, corollam superans. Stigma ovatum, emarginatum.  
Peric. Drupa ovata, parva: nuculâ compressâ, scabré, 2-loculari: nucleis subrotundis, solitariis.  
Nom. ( $\Sigma\tau\upsilon\lambda\iota\delta\iota\sigma$  parva column) ob corollam formâ cylindricâ columellam exhibentem.

Char. Gener. Cal. o. Cor. cylindracea, 7-petala. Drupa supera: nuculâ scabré, 2-loculari.

† Sp. 1. STYLEDIUM CHINENSE.  $\beta$  Pau tsâu.

Differ. spec. Styl. *ramis*, & *pedunculis* dichotomis.

Hab. *Frutex* 5-pedalis, erectus, ramosissimus: *ramis* dichotomis. *Folia* ovata, basi inæquali, apice acuminato, integerrima, glabra, alterna, petiolata. *Flös* luteus axillaris, *pedunculis* dichotomis.

Habitat incultum suburbia Cantonis Sinarum.

Virt. Refrigerans. Decoctum radicis valet contra hecticam, & febres calidas, diurnas.

## TETRAGYNIA.

† GENUS III. ASTRACTHUS.

*Descriptio Naturalis.*

Cal. nullus.

Cor. Monopetala, hippocrateriformis: tubo brevi: limbo plano, 14-fido: laciniis lanceolato-linearibus, septem alternis brevioribus.

Stam. Filamenta 7, filiformia, erecta, laciniis corollæ longioribus æqualia. Antheræ 3-loculares, subrotundæ.

Pist. Germen superum, ovatum, subacutum. Styli 4, capillares, æquales staminibus. Stigmata simplicia.

Peric. Nullum, præter tubum corollæ arescentis, semen vestientem. Sem. 1, parvum, ovatum, acuminatum.

Nom. ( $\Lambda'\varsigma\eta\pi$  stella,  $\alpha\eta\theta\sigma$  flos) ob laciniis floris in formam stellæ radiatas.

Char. Gener. Cal. o. Cor. hippocrateriformis, 14-fida. Semen 1, superum, tubo corollæ fotum.

Sp. 1.

† Sp. 1. ASTRANTHUS COCHINCHINENSIS. & Cay Chay.

Differ. spec. Aft. *foliis* ovatis, serratis: *spicis* axillaribus.

Hab. *Arbor* mediocris, *ramis* paucis, ascendentibus. *Folia* ovata, serrata, lanuginosa, petiolata, alterna. *Flos* pallidus, duriusculus, *spicis* longis, simplicibus, axillaribus.

Habitat agrestis, non rara in Cochinchinâ.

Observ. Stamina sæpissimè inveniuntur 7: aliquando 6, vel 8, & tunc totidem numerantur laciniarum paria, quarum alternæ semper breviores, & in eodem plano radiatæ.

C L A S S I S V I I I .  
O C T A N D R I A  
M O N O G I N I A .

\* *Flores completi.*

- |                    |  |
|--------------------|--|
| 1. G A U R A .     | <i>Cor.</i> 4 - petala. <i>Cal.</i> 4 - fidus , superus.<br><i>Nux</i> 1 - sperma.                               |
| 2. EPILOBIUM .     | <i>Cor.</i> 4 - petala. <i>Cal.</i> 4 - phyllus , superus.<br><i>Caps.</i> 4 - locularis. <i>Semina</i> papposa. |
| 3. DIOSPYROS .     | <i>Cor.</i> 4 - fida. <i>Cal.</i> 4 - partitus , inferus.<br><i>Bacca</i> 8 - sperma.                            |
| 4. OSBECKIA .      | <i>Cor.</i> 4 - petala. <i>Cal.</i> 4 - fidus , medius.<br><i>Caps.</i> 4 - locularis. <i>Antheræ</i> caudatæ.   |
| 5. LAWSONIA .      | <i>Cor.</i> 4 - petala. <i>Cal.</i> 4 - fidus , inferus.<br><i>Bacca</i> 4 - locularis.                          |
| 6. AMYRIS .        | <i>Cor.</i> 4 - petala. <i>Cal.</i> 4 - dentatus , inferus.<br><i>Bacca</i> 1 - sperma.                          |
| 7. JAMBOLIFERA .   | <i>Cor.</i> 4 - petala. <i>Cal.</i> 4 - dentatus , inferus.<br><i>Filamenta</i> planiuscula. <i>Bacca</i> .      |
| † 8. GELA .        | <i>Cor.</i> 4 - petala. <i>Cal.</i> 4 - partitus , inferus.<br><i>Drupa</i> 1 - sperma.                          |
| 9. ALLOPHYLUS .    | <i>Cor.</i> 4 - petala. <i>Cal.</i> 4 - phyllus , inferus.<br><i>Stylus</i> 2 - fidus.                           |
| † 10. DIMOCARPUS . | <i>Cor.</i> 5 - petala. <i>Cal.</i> 5 - fidus , inferus.<br><i>Baccæ</i> 2 , monospermæ.                         |
| † 11. EYSTATHES .  | <i>Cor.</i> 5 - petala. <i>Cal.</i> 5 - phyllus , inferus.<br><i>Bacca</i> 4 - sperma.                           |
| † 12. SCUTULA .    | <i>Cor.</i> 5 - petala. <i>Cal.</i> baccatus , integer.<br><i>Bacca</i> 8 - locularis.                           |

\*\* *Flo-*

\*\* *Flores incompleti.*

13. DAPHNE.

*Cor.* 4 - fida, æqualis, stamina includens.  
*Cal.* 0. *Bacca* pulposa.

T R I G Y N I A.

14. SAPINDUS.

*Cor.* 4 - petala. *Cal.* 4 - fidus, inferus.  
*Bæccæ* connatæ, 1 - spermæ.

15. CARDIOSPERMUM.

*Cor.* 4 - petala. *Cal.* 4 - phyllus, inferus.  
*Caps.* 3, inflatæ, connatæ.

16. COCCOLOBA.

*Cor.* 0. *Cal.* 5 - partitus. *Bacca* calycina, 1 - sperma.

17. POLYGONUM.

*Cor.* 0. *Cal.* 5 - partitus, inferus. *Semen* 1, nudum.

T E T R A G Y N I A.

† 18. PYTHAGOREA.

*Cor.* 7-8 - petala. *Cal.* 7-8 - phyllus, inferus. *Caps.* 4 - locularis.

† 19. HYDROGETON.

*Cor.* 4 - petala. *Cal.* 0. *Follic.* 4, monospermi.

## M O N O G Y N I A.

## G E N U S I. G A U R A.

Char. Gener. *Cal.* 4-fidus, tubulosus. *Cor.* 4-petala, adscendens versus latus superius. *Nux* infera, 1-sperma, 4-angula. Lin. sy. pl. G. 506.

† Sp. I. GAURA CHINENSIS. β Sân si tsào.

Differ. spec. Gau. *foliis lanceolatis, ferratis, oppositis: spicis sub-terminalibus.*

Hab; & notæ. *Caulis suffruticosus, 1-pedalis, erectus, tenuis, 4-gonus, hispidus: ramis paucis, ascendentibus. Folia lanceolata, ferrata, sessilia, opposita. Flos luteus, spicis erectis, subterminalibus. Calyx 4-phyllus, foliolis acutis, incurvis, reflexis. Cor. petala 4, ovata, incurva, erecta. Filamenta 8, brevia: antheris longis, erectis. Stigma sessile. Nucula infera, subrotunda, scabra, 1-1perma, minima.*

Habitat inulta Cantone Sinarum.

Observ. Chamænerii similis Lysimachia (Pluk. Amalh. p. 139. t. 428. f. 2.) quæ Linnæo Gaura biennis, proculdubio specie differt a Chinensi

## G E N U S II. E P I L O B I U M.

Char. Gener. *Cal.* 4-fidus. *Petala 4. Caps. oblonga, infera. Semina papposa.* Lin. sy. pl. G. 507.

Sp. I. EPILOBIUM TETRAGONUM. α Cây mường nước β Sòy hoàng teng.

Differ. spec. Ep. *foliis lanceolatis, denticulatis, imis oppositis: caule tetragono.* Lin. sp. 5.

Hab; & notæ. *Caulis herbaceus, 2-pedalis, tetragonous, simplex: ramis obliquis. Folia linear-lanceolata, integerrima, glabra, alterna, subsessilia. Flos luteus, axillaris, solitarius: petalis 4, emarginatis, æqualibus: staminibus 8, erectis: stigmate magno, subrotundo, 4-fido. Calycis laciniæ 4, patentes, permanentes. Capsula infera, sub-cylindracea, longa, rubra, 4-locularis, polysperma: seminibus plurimis, sub-reniformibus, non papposis. Omnibus floris partibus non raro additur quinta pars numero.*

Habitat loca aquosa tam in Cochinchina, quam in Chinâ.

Lysimachia Indica, aquatica, glabra, flore flavo, siliquâ angulosa;

stellata, Dyanilla Zeylonensis. Burm. Zeyl. pag. 146.

† Sp. 2. EPILOBIUM FRUTICOSUM. a. Cây muồng dat.

Differ. spec. Epil. *caule* fruticoflo, ramosissimo : *foliis* integetrimis, alternis, hirsutis.

Hab ; & notæ. *Caulis* fruticosus, rectus, teres, 6-pedalis, ramo-fissimus : *ramis* ascendentibus. *Folia* lanceolata, utrinque acuta, integriforma, hirsuta, subpetiolata, alterna. *Flos* superus, luteus: petalis 4, subrotundis, emarginatis, pedunculis 1-floris. *Capsula* columnaris, 8-gona, 4-locularis, polysperma : *calyce* permanente coronata : *seminibus* non papposis.

Habitat in arvis incultis Cochinchinæ.

Observ. Cogitavi hanc plantam adjungere Epilobio Hirsuto Linnæi, sp. 3. sed in illo folia opposita, serrata, decurrentia, amplexicaulia nostro repugnant.

### G E N U S . III. D I O S P Y R O S .

Char. Gener. *Cal.* 4-fidus. *Cor.* urceolata, 4-fida. *Stam.* 8. *Stylus* 4-fidus. *Bacca* 8-sperma. Lin. sy. pl. G. 1274.

Sp. 1. DIOSPYROS LOTUS. a γ...

Differ. spec. Diosp. *foliorum* paginis discoloribus : *floribus* terminalibus. Lin. sp. 1.

Hab ; & notæ. *Arbuscula* 6-pedalis : *ramis* patentibus. *Folia* ovato-lanceolata, integriforma magna, alterna, glabra, paginis discoloribus, costis obliquis prominentibus. *Flos* pallidus, terminalis, solitarius : *calyce* foliaceo, maximo, 4-5-partito, plano, permanente. *Bacca* rotunda, semipollicaris, lutea, lanuginosa, 1-locularis, 8-sperma : *seminibus* compresso-oblongis, offeis : pulpâ vix ullâ.

Habitat agrestis ad litora oræ Orientalis Africæ.

Guaiacana. Tournef. Inst. pag. 600. tab. 371. Lotus Africana, latifolia, Diospyros Theophrasti. Bauh. Pin. p. 447. II. 2.

Sp. 2. DIOSPYROS KAKI. a Cây Hoang β Sú xú.

Differ. spec. Diosp. *foliis* ovatis, acuminatis, subtus pubescentibus : *pedunculis* 2-floris, axillaribus.

Hab ; & notæ. *Arbor* mediocris : *ramis* tortuosis, subascendentibus. *Folia* ovata, acuminata, integriforma, magna, sub-crassa, obscuroviridia, subtus tomentosa, petiolata, alterna. *Flos* luteo-viridis, axillaris : *pedunculis* solitariis, sëpe 2-floris. *Cal.* 4-partitus, lacimis ovatis, magnus, patens, persistens. *Cor.* urceolata, limbo

4-fido, brevi, plano, æquali. *Stamina* 8, sæpe 16, per paria incidentia ad basim urceoli corollæ. *Stylus* brevissimus: *stigmatibus* 4, oblongis, pilosis, erectis. *Bacca* 4-gono-rotunda, 1-locularis, 8-sperma, rubro-crocea, glabra, dulcissima, succosa, edulis, odoris non admodum grati. In aliquibus membranâ tenui distinguuntur loculi 8.

Colitur frequenter in Chinâ, & Cochinchinâ, aliisque locis Indiæ extra Gangem.

Lin. Jun. suppl. pl. pag. 439. Thunb. Japon. pag. 157. Est etiam varietas fructu ovato, pollicari: seminibus 3-4, sæpe nullis. In hâc specie inveniuntur etiam arbores floribus omnibus masculis, sed raro.

† Sp. 3. DIOSPYROS LOBATA. *α* Cây Cây.

Differ. spec. Dioisp. *foliis* ovato-lanceolatis, utrinque glabris: *pedunculis* 1-floris, axillaribus. *Baccis* 8-lobis.

Hab; & notæ. *Arbor* parva, 8-pedalis: *ramis* patentibus. *Folia* ovato-lanceolata, parva, integerrima, utrinque glabra, pallido-viridia, petiolata, alterna. *Stamina* semper 8, quodlibet antheris binis. *Flos* albus, axillaris, solitarius, hermaphroditus: tubo *corollæ* 4-gono-ventricoso: limbo parvo, 4-fido. *Stylus* vix ullus: *stigmata* oblongo, profunde 4-fido. *Bacca* pallidè lutea, 1-pollicaris, compressa, 8-locularis, 1-spermâ: pulpâ sub-dulei, sapore austero, odore nullo, eduli tamen.

Habitat culta, inultaque in Cochinchinâ.

† Sp. 4. DIOSPYROS DECANDRA. *α* Cây Thị. *β* Hoàm si.

Differ. spec. Dioisp. *foliis* lanceolatis, sparsis: *floribus* decandris, axillaribus: *baccis* subglobosis.

Hab; & notæ. *Arbor* magna: *ramis* sub-patentibus. *Folia* ovato-lanceolata, integerrima, lanuginosa, sparsa, petiolis brevibus. *Flos* albus, axillaris, 3-natus, pedunculis brevibus. *Cal.* 4-partitus, patens, parvus, persistens, laciniis acutis, crassis, pilosis. *Corolla* campanulata, tubo urceolato, fauce constrictâ: limbo parvo, 4-fido, obtuso, reflexo. *Filamenta* constanter 10, fundo *corollæ* affixa: antheris oblongis stantibus. *Germen* subrotundum, superum. *Stylus* subnullus. *Stigmata* 3, 3-fida, patentia. *Bacca* magna, subglobosa, umbilicata, flavescentia, pulposa, amstero-dulcis, 1-locularis, 6-8-sperma: *seminibus* osseis, compresso-ovatis. Odor fructus vehemens, parum gratus.

Habitat frequens in provinciis Borealibus Cochinchinæ: ubi fructus exponuntur venales in foro.

Hebenaster Lolin. Rumph. Amb. l. 4. c. 5. t. 6.

Usus. Vetustæ arbores dant optimum lignum ad scrinia, & opera ele-

gantiora formanda. Est enim compactum tenuissimis fibris, æquale, grave, albissimum, venis multis nigerrimis distinctum: corde etiam aliquando nigro, non crasso.

Observ. Arbor ista, ni fallor, est eadem, quæ a Linnaeo Juniore (sup. pl. p. 440.) vocatur Diospyros Ebenum, ibidemque assertur eam esse verum Lignum Ebenum. Ego non ita sentio: mecumque stat accuratissimus Rumphius, qui legi potest capite superius citato, & præcedentibus, ubi diffusè agit, tam de hoc facto, quam de vero Ebeno, quas arbores observavit in Amboinâ, sicut ego in Cochinchinâ. De Ebeno Nigro vero alibi nobis sermo erit.

† Sp. 5. DIOSPYROS DODECANDRA. a Cây Thị trâm.

Differ. spec. Dioisp. floribus dodecandris, axillaribus: baccis lenticularibus.

Hab; & notæ. Arbor magna, ramis sub-patentibus. Folia lato-lanceolata, integerrima, alterna. Flos albus, axillaris: tubo corolla subgloboso, magno: limbo 4-fido, brevi. Stamina 18 fundo tubi insidentia. Baccæ pallida, compressa, lentiformis, 1-locularis, 8-sperma: seminibus compresso-ovatis, osseis, magnis: pulpâ modicâ, subdulci, astringente, eduli, nec sapidâ.

Habitat spontanea, cultaque in Cochinchinâ.

Usus. Lignum præcedentis simile, carens tamen venis illis in corde nigerrimis: albedine, densitate fibrarum, & lævitate eburis æmulum. Solet etiam in hortiscoli ad sustinendos frutices Piperis Nigri, quod per has arbores libentius scandit, & progerminat.

Observ. Cum in solâ Diospyro Kaki, & in hâc quidem raro, flores masculos seorsim observasse, & in aliis 4 speciebus omnes hermaphroditos, coactus fui a Celeb. Linnaeo discedere, qui Genus Diospyrum facit Polygamum, quia plures species non viderat, quæ Polygamæ non sunt.

GENUS IV. OSBECKIA.

Char. Gener. Cal. 4-fidus: lobis squamâ ciliari interstinctis. Corolla 4-petala. Antheræ rostratæ. Capsula 4-locularis, calycis tubo truncato cincta. Lin. sp. pl. G. 503.

Sp. 1. OSBECKIA CHINENSIS. a Kám yòng lù. Lin. sp. 1.

Differ. spec. Osb. foliis lanceolatis, subsessilibus, 3-nerviis: floribus congestis terminalibus.

Hab; & notæ. Caulis 2-pedalis, suffruticosus, 4-gonus, erectus, pilosus, ramosus. Folia lanceolata, 3-nervia, hispida, integerrima, opposita, subsessilia. Flos ruber, congestus, terminalis, peduncula-

culatus : *calyce* 4-fido : *corollâ* 4-petalâ , patente : petalis ovatis. *Stamina* 8 : *antheris* oblongis , caudatis , non refractis , nec rostratis. *Bacca* subrotunda , exsucca , *calyce* vestita , 4-locularis : *semibibus* plurimis , minimis.

Habitat inculta Cantone Sinarum.

Osbec. It. p. 213. t. 2. Burm. Ind. p. 86.

### G E N U S V. L A W S O N I A.

Char. Gener. *Cal.* 4-fidus. *Petala* 4. *Staminum* 4 paria. *Capsula* 4-locularis , polysperma. Lin. sp. pl. G. 251.

† Sp. 1. LAWSONIA SPINOSA. ✕ Cay maóng tay nhuom Lin. sp. 2.

Differ. spec. Law. *ramulis* in spinas desinentibus : *racemis* terminalibus.

Hab ; & notæ. *Arbuscula* 8-pedalis : *ramis* longis , patentibus , paucis : *spinis* rectis , raris , ramulos terminantibus. *Folia* lato-lanceolata , integerrima , sessilia , opposita , subtomentosa , parva. *Flos* albus , corymbis racemosis , terminalibus. *Calyx* campanulatus , 4-fidus , laciis acutis , coloratis. *Corolla* petala 4 , crispato-plicata , calyci inserta , illo sub-longiora. *Stamina* 8 , citò decidua. *Capsula* minima , subrotunda : loculis 4 , valvis totidem : *seminibus* paucis , polygonis.

Cyprus Alcanna Rhumph. Amb. I. 6. c. 20. t. 17. Alcannæ species Zeylanica , Manithondi Zeylonensis. Burm. Zeyl. pag. 9.

Habitat in hortis Cochinchinæ.

Usus : Medicus. Astringens , Refrigerans. Foliis contritis , admixta calce , utuntur Cochinchinenses ad tingendos unguis colore ruberrimo : qui mos pro elegantiâ invaluit non solum apud alias populos Indianos , sed etiam apud Turcas , Persas , & Æthyopes. Circa virtutem ad curandam paronychiam , de quâ Rumphius meminit , periculum non feci.

† Sp. 2. LAWSONIA FALCATA. ✕ Cay Chàm tlaur: Cay méo.

Differ. spec. Law. *foliis* falcatis , subcrenatis.

Hab ; & notæ. *Arbuscula* 6-pedalis , ramosissima. *Folia* falcata , acuminata , subcrenata , glabra , petiolata , sparsa , graveolentia. *Flos* albus , corymbo racemoso , terminali : *calyce* 4-fido : *corolla* 4-petalâ : *staminibus* 8. *Pericarpium* bacca supera subrotunda , parva , 4-locularis , polysperma. Numerus loculorum inconstans ; etenim non raro numerantur 3-2-1 , aliis suffocatis

Habitat ubique in dumetis Cochinchinæ.

Adulterina , Daun Salawar. Rumph. Amb. I. 10. c. 42. t. 25. f. 1.

Ast

Ast Frutex incognitus (Bont. Jav. l. 6. p. 147.) a Rumph. incongruè citatur.  
Virtus. Calefaciens, Deobstruens, Emmenagogue, Nervina. Cataplasma foliorum prodest ad fovenda, & suscitanda membra paralytica. Odor plantæ ingratus.

## G E N U S VI. A M Y R I S .

Char. Gener. *Cal.* 4-dentatus. *Petala* 4, oblonga. *Stigma* tetragonum. *Bacca* drupacea. Lin. sy. pl. G. 516.

Sp. 1. AMYRIS AMBROSIACÀ.  $\alpha$  Tô h?p Binh Khang.  
Differ. spec. Am. *foliis* pinnatis petiolatis : *paniculis* confertis, axillaribus. Lin. Jun. suppl. pag. 216.

Habitat in montibus Cochinchinæ, in provinciâ Binh Khang, circa 14 gradum Latitudinis Borealis.

Notas afferre non potui indubias, imo de ipso genere adhuc dubius maneo, quia florem obtinere non potui. Ex relatione indigenarum, & propriâ observatione balsami ex istâ arbore mamantis suspicatus sum esse Amyrim Ambrosiacum, de qua Piso (Hist. Nat. p. 122.) & Aubletus (Guian. p. 337. t. 130.) locuti sunt, ac etiam in India Orientali nasci affirmat Linnæus Junior. At, cum tam ista, quam Canarium Odoriferum Rumphii (Amb. l. 3. c. 4. t. 50, 51.) foliis similiter imparipinnatis arborescant, & præterea Amboinienses plantæ cum Cochinchinensisibus plerumque convenient, determinare non potui cui potius nostram adscriberem, flore non viso. Et certè Rumphiana arbor nec flore, nec fructu cum Ambrosiacâ concordat. Cochinchinense balsamum, quod ex arbore agresti modicè stillat, colore cinereo, & fragrantia eximiâ non multum differt a styrace liquidâ, quæ Liquidambar a Linnæo vocatur. An Nanarium Minimum Oleosum? Rumph. l. 3. c. 6. t. 54.

Uſus. Ad exaltanda quælibet odorifera, quibus cerebrum confortare inrenditur.

## G E N U S VII. J A M B O L I F E R A .

Char. Gener. *Cal.* 4-dentatus. *Cor.* 4-petala, infundibuliformis. *Filamenta* planiuscula. *Stigma* simplex. Lin. sy. pl. G. 513.

Sp. 1. JAMBOLIFERA PEDUNCULATA.  $\beta$  Jamboloens. Lin. sy. pl. sp. 1.

Differ. spec. Jamb. *foliis* ovatis, emarginatis : *corymbo* terminali. Hab ; & notæ. Arbor supra mediocrem : *ramis* patentibus, minoribus

bus brachiatis. *Folia* ovata, emarginata, integerrima, glabra, du-  
riuscula, opposita, petiolata. *Flos* albus, terminalis, corymbis ra-  
cemosis: *calyce* 4-fido: *corolla* 4-petalâ. *Bacca* ovato-oblonga,  
subteres, obtusa, umbilicata, nigra succosa, acerbodulcis, eicu-  
lenta: *semine* 1, oblongo.

Habitat Macai in China, coliturque in multis Indiæ locis.  
Acosta. Arom. c. 49. ap. Cl. p. 287. Jambolana. Rumph. Amb. l. 1. c.  
37. t. 42. *Prunus Indica*, fructu nigro, olivæ magnitudine. Burm.  
Zeyl. p. 197.

<sup>†</sup> Sp. 2. JAMBOLIFERA ODORATA. *a* Rau t. n.

Differ. spec. Jamb. *foliis* ovatis, basi obliquè truncatis: *corymbo* ter-  
minali, distichè ordinato.

Hab; & notæ. *Arbustu* 5-pedalis, caule simplici, rectissimo: *ra-  
mis* brachiatis. *Folia* subovata, basi obliquè truncata, integerrima,  
crassa, glabra, inferius albicantia, punctata, odorem cumini ex-  
halantia. *Flos* terminalis: *corymbis* racemosis, distichis: *peduncu-  
lis*, calyce, & corollâ integrè albis. *Cal.* 4-fidus, *corolla* 4-pe-  
tala, *stamina* 8. *Bacca* supera, ovata, parva, alba, 1-sperma,  
punctata, glabra.

Habitat in hortis Cochinchinæ.

Uſus. *Folia*, cum tenera ſint, & odora, nec gustui injucunda, im-  
miſcentur ſæpe acetariis.

Obſerv. Ob ſimilem cumini odorem dubitaret aliquis, an eſſet Myr-  
tus Cumini Lin. sp. 6., ſive Jambosa Ceramica Rumphii? (l. 1.  
c. 36. t. 41.) ſed in noſtrâ præter alia, quæ h̄ic notantur, *stamina*  
inveniuntur ſemper 8. Nonne potius Folium Instinctus? Rumph.  
Amb. l. 5. cap. 47. pag. 202.

<sup>†</sup> Sp. 3. JAMBOLIFERA REZINOSA. *a* Sân Cây.

Differ. spec. Jamb. *foliis* oblongis: *pedunculis* lateralibus.

Hab; & notæ. *Arbor* mediocris, *ramis* patentibus: *cortice* rezinoſo,  
tenacissimo. *Folia* ovato-oblonga, integerima. *Flos* albus, pedun-  
culis polyfloris, axillaribus. *Calyx* 4-dentatus. *Corolla* 4-petala,  
campanulata. *Bacca* subrotunda, parva, nigra, 4-locularis. Sta-  
mina 8. *Stylus* 1.

Habitat in dumetis Cochinchinæ.

Uſus. Decocto crallo radicis imbuunt pifcatores ſua retia, & funes,  
ut rezinâ indurati humiditatē repellant, ac diutius a putredine fer-  
ventur immunes.

Obſerv. Suspicioſe Tenarium Maiorem negligenter deſcriptum a  
Rumphio. Amb. l. 5. c. 38. t. 122.

## † G E N U S VIII. G E L A.

## Descriptio Naturalis.

Cal. Perianthium 4-partitum, inferum, brevissimum: laciniis subrotundis.

Cor. Petala 4, linearia, patentia.

Stam. Filamenta 8, subulata, planiuscula, exerta, corollæ æqualia. Antheræ subrotundæ, nutantes.

Pist. Germen subrotundum. Stylus filamentis brevior. Stigma acutiusculum, leviter 2-fidum.

Peric. Drupa subrotunda, parva, glabra.

Sem. Nucula subrotunda, 1-locularis.

Nom. ( $\gamma\epsilon\lambda\alpha$  splendor solis) ex foliorum nitorc.

Char. Gener. Cal. 4-partitus, inferus. Cor. petala 4, linearia. Drupa subrotunda, 1-sperma.

† Sp. 1. GELA LANCEOLATA.  $\alpha$  Cây Bái bái.

Differ. spec. Gel. foliis lanceolatis, oppositis: corymbo racemoso.

Hab. Arbuscula 5-pedalis: ramis patentibus. Folia ovato-lanceolata, integriflora, margine recurva, glabra, nitida, opposita, odora. Flos, corymboso-racemosus, luteo-viridis, axillaris.

Habitat agrestis in Cochinchina.

## G E N U S IX. A L L O P H Y L L U S.

Char. Gener. Cal. 4-phyllo: foliolis orbiculatis, oppositis minoribus. Petala 4, calyce minora. Germen didymum. Stigma 4-fidum. Lin. sy. pl. G. 511.

† Sp. 1. ALLOPHYLLUS TERNATUS.  $\alpha$  Cây Chánh ba.

Differ. spec. Al. foliis ternatis, ferratis: racemis longis, terminalibus.

Hab; & notæ. Arbuscula 5-pedalis, ramis patentibus. Folia ternata, inæqualiter ferrata, magna: petiolo communi longo. Flos parvus, albus, racemis longis, terminalibus: calyce 4-phyllo, rotundo: petalis 4, minimis, pilosis: nectario glandulis 4. Stylus 2-fidus. Germen didymum: maturum non vidi. Stamina 8.

Habitat ad ripas fluminum in Cochinchinâ.

Virtus. Cataplasma foliorum prodest in contusionibus, & dislocationibus.

+ GE-

## † GENUS X. DIMOCARPUS.

## Descriptio Naturalis.

**Cal.** Perianthium 5 - fidum , inferum , patens , pilosum : laciinis rotundatis.

**Cor.** Rotata , petala 5 , oblonga , pilosa , calyci subæqualia.

**Stam.** Filamenta 8 , subulata , corollâ breviora , receptaculo insiden-  
tia : nectario corollæ lenticulari , crenato constricta. Antheræ 2 -  
loculares , subrotundæ.

**Pist.** Germen 2 - lobum , pilosissimum. Stylus crassus , 2 - fidus , æqua-  
lis staminibus. Stigmata , oblonga , reflexa.

**Peric.** Baccæ 2 , 1 - loculares , subrotundæ , pulposæ.

**Sem.** 1 - nitidum , magnum.

**Nom.** (Διδύμος geminus : Κερπός fructus) ob plantæ fructum ; ge-  
mellum.

**Char. Gener.** *Cal.* 5 - fidus ; inferus. *Cor.* petala 5 , oblonga , *Bac-  
cæ* 2 , monospermæ.

† Sp. 1. DIMOCARPUS LICHI. 3 Ly chi. a Cây Bai.

Differ. spēc. Dim. *foliis* pinnatis : *baccis* cordatis , squamosis .  
Hab ; & notæ. Arbor mediocris , ramis patentibus. Folia impari-pin-  
nata , sub-quadrijuga : *foliolis* lanceolatis , glabris , subintegerimis ,  
subtus glaucis. *Flos* pallidus , terminalis , racemis oblongis , laxis.  
*Bacca* pollicaris , cordiformis : *cortice* squamoso , tenui , diurnuscu-  
lo , hinc fusco-rubro , inde viridi : *pulpâ* albâ , dulci , sub-acidâ ,  
sapidissimâ : *semine* fusco , nitido , æquali , subovato , magno. Des-  
criptio præcedens Generis huic speciei imprimis convenit.

Colitur abundantissime in provinciis Australibus imperii Chinensis , &  
in Borealis regni Cochinchinæ ; sicut enim a magno frigore ab-  
horret , ita magnos calores non sustinet. Ut Imperator Sinensis quo-  
tannis hoc delicioso fructu potiatur , coguntur ejus subditi insano  
labore , & expensis has arbores , cum primum florent , ex Canto-  
ne Pekinum conducere per flumina : ita opportunum tempus me-  
tientes , ut eò pervenientes fructus maturi habeantur , quod in Peki-  
nensi climate non obtinetur.

Li-chi. Du Halde , Navarrete , & alii scriptores historiæ Chinensis.

† Sp. 2. DIMOCARPUS LONGAN. 3 Lùm yèn. a Cây Nhòn : Laong nhan.

Differ. spec. Dim. *foliis* pinnatis : *baccis* globosis , sub-lævibus.

Hab ; & notæ. Arbor supra mediocrem : *ligno* durissimo : *ramis* pa-

tentibus. *Folia* impari-pinnata, nunc opposita, nunc alterna, lanceolata, glabra, sub-integerrima, subtus flavescens. *Flos* terminalis, pallidus, racemis vastis: *filamentis* brevissimis, 8, saepe 9, 10: *corolla* patente, subrotata: *antheris* oblongis. *Bacca* globofa, 2-nata, parva, semipollicaris, sub-lævis, pallide rufa: *pulpâ* dulcissimâ, eduli: *semine* globoso, fusco, nitido, a *pulpâ* libero.

Habitat culta in Chinâ, & Cochinchinâ.

Longan. Apud eosdem Historiographos rerum Sinensium.

† Sp. 3. **DIMOCARPUS CRINITA.** a Cay Chom chom. : in Differ. spec. Dim. *baccis* sub-ovatis, crinitis: *pulpâ* femini coalitâ. Hab; & notæ. Arbor mediocris, *ramis* expansis. *Folia* imparipinnata, inordinata: *foliolis* lanceolatis, glabris, fusco-viridibus. *Flos* terminalis, racemis coarctatis. *Bacca* subrotunda pollicaris, integrè rubra, villis plurimis, longis, coloratis circumdata, 2-nata: *semine* longiusculo, tenaciter adhærente *pulpæ* aliae acerbo-dulci, eduli.

Habitat in sylvis Cochinchinæ, & Javæ.

Ramponstan. Bont. Jav. L. 6. C. 23. f. 109. fig. ibi.

† Sp. 4. **DIMOCARPUS INFORMIS.** a Nhon. Cát deé.

Differ. spec. Dim. fructu tuberculofo, irregulari.

Hab; & notæ. Arbor agrestis, mediocris, *ramis* patentibus. *Folia*, & flores fere ut secundæ speciei: *racemis* terminalibus, pauci flor. *Germen*, & fructus gemini. *Baccae* carnosæ, solidæ, in æquales, tuberculis multis circumdatae, quasi ex multis aggregatae, acerbæ, inedules, eandem irregularitatem continuo servantes. *Lignum* omnium specierum optimum, grave, durum, fusco-rubrum.

Habitat in sylvis Cochinchinæ.

† **GENUS XI. EYSTATHES.** a. Imperati Sinensis duplo.

*Descriptio Naturalis.*

Cal. Perianthium 5-phylum, inferum, foliolis ovatis, concavis.

Cor. Petala 5, ovata, patentia, calyci æqualia.

Stam. Filamenta 8, subulata, erecta, receptaculo inhærentia. Antheræ ovatae, 2-loculares, stantes.

Pist. Germen subrotundum, pilosum. Stylus filiformis, subæqualis statimibus. Stigma obtusum, emarginatum.

Peric. Bacca globofa, carnofa, 1-locularis, 4-sperma.

Sem. Ovata, compressa.

Nom:

Nom. (*Eustathia stabilis*) ab arboris ligno duratione firmo, & stabili.

Char. Gen. *Cal. 5* - phyllus, inferus. *Cor. petala 5* - ovata. *Bacca 1* - locularis, *4* - sperma.

† Sp. 1. EYSTATHES SYLVESTRIS. a Cay Tlam.

Differ. spec. *Eyst. foliis oblongis*, alternis : *racemis subsimplicibus*.

Hab. *Arbor magna*, ramis patentibus. *Folia* ovato-oblonga, acuminata, integerrima, glabra, venosa, alterna. *Flos* albus, racemis oblongis, subsimplicibus, subterminalibus. *Bacca* glabra, corticosa, intus carnosæ, mediocris, non edulis.

Habitat in altis montibus Cochinchinæ.

Usus. Lignum subrubrum, æquale, vastum, firmum, ad ædificandum aptum.

### † GENUS XII. SCUTULA.

#### *Descriptio Naturalis.*

Cal. Perianthium truncatum, patens, scutiforme, carnosum, coloratum, exterius lœve, intrinsecus 8 cellulis distinctum.

Cor. Petala 5, subrotunda, acuminata, conniventia, margini Calycis insidentia.

Stam. Filamenta 8, subulata, inflexa, calyci infra marginem inserita, corollæ subæqualia. Antheræ oblongæ, curvatae, flexu convexo cellulis calycis incubantes.

Pist. Germen nutrum a calyce distinctum. Stylus filiformis, subæqualis staminibus. Stigma simplex.

Peric. Bacca calycina, 8-locularis, 1-sperma, formata ex ipso calyce incrassato, pristinam formam scutellæ servante.

Sem. Solitaria, compressissimula.

Nom. Scutula ex figurâ baccæ parvum scutum, sive scutellam designantis.

Char. Gen. *Cal. baccatus*, integer. *Cor. Petala 5*. *Bacca 8* - locularis.

† Sp. 1. SCUTULA SCUTELLATA. a Cay Ran.

Differ. spec. *Scut. pedunculis polyfloris* : *baccis compressis*.

Hab. *Arbor parva*, 8-pedalis, ramis patentibus. *Folia* lanceolata, integerrima, glabra, opposita, margine tumida. *Flos* lateralis, pedunculis solitariis, polyfloris. *Corolla*, *stamina*, *pistillum*, *bacca* omnia coloris violacei.

Habitat agrestis in Cochinchinâ.

† Sp. 2. SCUTULA UMBELLATA. a Cay Maœ com.

Differ. spec. Scut. floribus umbellatis : baccis subrotundis.

Hab ; & notæ. *Arbuscula* 4-pedalis , ramosissima. *Folia* ovato-lanceolata , integerrima , crassa , opposita , glabra , sessilia. *Flos* parvus , terminalis , versicolor , albo , & cœruleo maculatus , umbellis , seu potius Cymis magnis : *pedunculo* communi longo , partialibus brevibus. *Calyx* truncatus , baccatus , 8-locularis. *Corolla* saepius 4-petala , calyci inserta. *Filamenta* 8 : *antheris* curvatis , cœruleis.

Habitat in dumetis Cochinchinæ.

Virt : baccarum. Adstringens , Corroboraans , Myrti æmula.

### GENUS XIII. DAPHNE.

Char. Gen. *Cal.* o. *Cor.* 4-fida , Calycina , marcescens , *stamina* includens. *Bacca* 1-sperma. Lin. Sy. pl. G. 526.

† Sp. 1. DAPHNE TRIFLORA. a U si seng.

Differ. spec. Daph. floribus sessilibus , axillaribus , congestis : *Calycibus* 3-floris : *foliis* lanceolatis , sparsis.

Hab ; & notæ. *Arbuscula* 3-pedalis : *caule* simplici , *ramis* ascendentibus. *Folia* lanceolata , integerrima , glabra , sparsa , periolis brevibus. *Flos* flavescens , axillaris , congestus , sessilis. *Calyx* communis 3-phyllus , 3-florus : proprius nullus. *Corolla* tubulosa , 4-5-fida : *staminibus* 8 tubo inclusis. *Bacca* , 1-sperma.

Habitat suburbia Cantoniensia Sinarum.

† Sp. 2. DAPHNE CANNABINA. a Gay Deo niet.

Differ. spec. Daph. Umbellis terminalibus : *foliis* lanceolatis , oppositis.

Hab. & notæ. *Arbor* 10-pedalis : *ramis* ascendentibus : *cortice* Cannabino , tenacissimo. *Folia* ovato-lanceolata , integerrima , glabra , opposita. *Flos* luteus , umbellis sub-terminalibus. *Cal.* nullus. *Corolla* hippocrateriformis , tubo longo , limbo parvo , 4-fido , lacinias ovatis. *Filamenta* 8 , brevia , bino ordine intra tubum : *antheris* oblongis. *Germen* oblongum , superum. *Stylus* crassus , brevissimus : *stigmate* rotundo. *Bacca* ovata , 1-sperma , rubra , parva.

Habitat sylvas Cochinchinæ.

Virt. *Corticis* , & *radicis*. *Cathartica* , *Deobstruens* , *Sialagoga*. Prodest in hydrope ascite ejus decoctum. Pituitam faucibus adhaerentem dif-

dissolvit, atque educit. Absque noxâ opperatur prudenter adhibita; quod de aliis Daphnes speciebus dici nequit.

Usus. Ex cortice contuso, & macerato fit charta scriptoria apud indigenas optima. Intra truncum prope radicem inveniuntur sæpe in hâc arbore frusta lignea rezinosa, fusca, gravia, informia, ligno Aloe similia, & ejus odorem in igne quomodocunque imitatio.

† Sp. 3. DAPHNE INDICA. *g* Lu ha sin.

Differ. spec. Daph. *Capitulo terminali*: *foliis* oppositis, oblongo-ovatis, glabris. Lin. sp. 9.

Hab; & notæ. *Arbuscula* 3-pedalis: *ramis* ascendentibus. *Folia* oblongo-ovata, sèpius acuta, integerrima, glabra opposita. *Flos* albus, rubro conspersus, *Capitulo terminali*, pedunculato, paucifloro. *Filamenta* plerumque 10, tubo occulta, eidem insistentia bino ordine, superiori 6, inferiori 4. *Bacca* 1-sperma.

Habitat Cantone a Nankino oriunda, vulgoque audit frutex Nankinensis.

Osbek. itin. p. 216. Burm. Ind. pag. 88.

† Sp. 4. DAPHNE ODORA. *g* Nhuc môi: Nún muéi.

Differ. spec. Daph. *floribus* aggregatis, sessilibus, terminalibus: *foliis* ovatis, alternis, glabris: Thunb. Japon. p. 159.

Hab; & notæ. *Arbuscula* 3-pedalis, caule crasto: *ramis* multis diffusis, sèpe divaricatis. *Folia* oblongo-ovata, subacuta, integerrima, glabra, subsessilia, ad apicem ramorum Congesta. *Flos* Congestus, terminalis, subsessilis: *Calyce* nullo. *Corolla* infundibuli formis, 4-fida, carnosa, parva, exterius rubra, intrinsecus alba: laciniis acutis, tubo æqualibus. *Stamina* 8, intra tubum, bino ordine. *Bacca* minuscula, ovata, 1-sperma.

Colitur studiosè Cantone sinarum: ubi magni fit ab indigenis propter odorem floris, tenuem quidem, sed ipsis gratum.

## T R I G Y N I A .

## G E N U S XIV. S A P I N D U S .

Char Gen. *Cal.* 4. *phyllus.* *Petala* 4. *Capsulæ carnosæ, Connatæ, ventricosæ.* Lin. sy. plant. G. 541.

Sp. 1. SAPINDUS SAPONARIA.  $\alpha$  Cây bòn hòn.

Differ. spec. *Sap. foliis impari-pinnatis: caule inermi.* Lin. sp. 1.

Hab; & notæ. *Arbor magna, ramis patentibus, inermibus. Folia impari-pinnata, sub-10-juga, inordinata: foliolis oblongis, acutis, sub-falcatis, integerrimis, glabris. Flos albus, racemis compotitis, magnis, terminalibus. Calyx 5-phyllus, Corolla 5-petala, calyce longior: uterque campanulatus: staminibus 8, subulatis, pilosis. Germen 3-lobum. Baccæ 3, rotundæ, connatæ, glabræ, ab uno latere carinatæ, 1-spermæ: semine globo, nigro.*

Habitat agrestis, cultusque in Cochinchinâ.

Tournef. Inst. p. 659. t. 440. Saponaria. Burm. Ind. p. 91. Saponaria Rarak Rumph. Amb. l. 2. c. 51. p. 134.

Usus. *Baccæ leviter contusæ, & aquâ maceratae præstant saponem optimum ad lintea, & vestes lavandas, ac dealbandas: nec obstat, quod de vi corrosiva notentur; hæc enim similiter invenitur in quolibet abstergente, quando imprudenter tractatur.*

$\dagger$  Sp. 2. SAPINDUS ABRRUPTUS.  $\beta$  Mu hòn xú.

Differ. spec. *sap. foliis abruptè pinnatis, integerrimis: caule inermi.*

Hab; & notæ. *Arbor magna: ramis patentibus, inermibus. Folia abruptè pinnata: foliolis lanceolatis, integerrimis, glabris. Flos pallidus, racemis magnis, subterminalibus: calyce, & corollâ ex qualibus, campanulatis 4-phyllis. Stylus 1, 3-falcatus: stigmatibus tribus. Baccæ 3, connatæ, sub-globosæ, 1-spermæ, rufæ.*

Habitat Cantone Sinarum.

Usus: detergens, idem, qui præcedentis speciei.

Observ. Hanc plantam observavi recentem Cantone, ubi nascitur: nullatenus vero inveni caulem spinosum, aut foliola laciniata, quæ propria sunt specierum 2, & 4 Linnæi. Unde statuendum putavi, vel plantam nostram esse diversam, vel notas illas non esse constantes.

## GENUS XV. CARDIOSPERMUM.

Char. Gen. *Cal.* 4 - phyllus. *Petala* 4. *Nectarium* 4 - phylum, inaequale. *Caps.* 3, connatæ, inflatæ. Lin. sy. pl. G. 540.

Sp. 1. CARDIOSPERMUM HALICACABUM. a Cây tam phoung.

Differ. spec. Card. foliis lœvibus. Lin. sp. 1.

Hab; & notæ. *Caulis* herbaceus, volubilis, striatus, inermis, tenuis, longus, ramosus. *Folia* lato-lanceolata, sinuato-incisa, glabra, 2 - ternata. *Flos* axillaris, solitarius, parvus, albus, pedunculis longis: *calyce*, & corollâ 4 - phyllis. *Capsula* triplex, membranacea, inflata, 3 - gona, in unum coalita: *seminibus* solitariis, globosis, nigris, ab basim ex crescentiâ albâ, 3 - lobâ notatis. *Stamina* semper 8.

Habitat incultum in Cochinchinâ.

*Pisum* vesicarium, fructu nigro, albâ maculâ notato. Bauh. Pin. p. 343. *Halicacabus* peregrinus. Rumph. Amb. I. 10. c. 44. pag. 61. t. 24. f. 2. Hæc autem figura Rumphiana non satis cohæret cum nostris tum caule, tum pedunculis polyfloris.

Sp. 2. CARDIOSPERMUM CORINDUM. b . . .

Differ. spec. Card. foliis subtus tomentosis. Lin. sp. 2.

Hab; & notæ. *Caulis* suffruticosus, tenuis, longus, striatus, scandens cirrhis solitariis, lateralibus. *Folia* 2 - ternata, pubescentia, acuta, incisa, parva. *Flos* lateralis, albus, pedunculis sub-trifloris, solitariis: *calyce* patulo, 4 - phyllo, foliolis alternis maioribus. *Pericarpium* *capsula* 3 - locularis, 3 - gona, membranacea, inflata: *seminibus* solitariis, nigris, globosis, cicatrice cordatâ notatis.

Habitat incultum in suburbis Cantonensibus Sinarum.

## GENUS XVI. COCCOLOBA.

Char. Gen. *Cal.* 5 - partitus, coloratus. *Cor.* o. *Bacca calycina*, 1 - sperma. Lin. sy. pl. G. 538.

† Sp. 1. COCCOLOBA ASIATICA. a Cây Muồng chuong.

Differ. spec. Coc. scandens: foliis oblongo-ovatis, venosis: racemis terminalibus.

Hab; & notæ. *Caulis* suffruticosus, scandens, ramosus. *Folia* oblongo-ovata, sub-acuminata, integerrima, coriacea, venosa, alterna. *Flos* albus, racemis laxis, terminalibus. *Calyx* campanulatus, albus, 5 - partitus, laciniis oblongis, concavis. *Cor.* nulla. *Stamina* 8.

Sty-

*Stylus* semitrifidus , calyci subæqualis : *stigmatibus* 3 , subrotundis. *Bacca* subrotunda , 5 - loba , ex 5 laciñis calycis coalescens , subnigra , pellucida , parva : *semine* 1 , triquetro , acuminato.

Habitat in sepibus , ac dumetis Cochinchinæ.

† Sp. 2. COCCOLOBA CYMOSA. & Muøng chuøng chum.

Hab ; & notæ. *Caulis* , & *folia* ut præcedentis. *Flos* cymis sessilibus , vel , si velis , congestus , multus , axillaris , & terminalis. *Calyx* , *stamina* , *pistillum* , *bacca* ut præcedentis.

Habitat similiter in sepibus Cochinchinæ.

### G E N U S XVII. P O L Y G O N U M .

Char. Gen. *Cal.* o. *Cor.* 5. partita , calycina. *Semen* 1 , angulatum. Lin. sy. pl. G. 537.

Sp. 1. POLYGONUM HYDROPIPER. & Rau ram nhà tho. & Xüei leao. Differ. spec. Pol. *floribus* hexandris , semidigynis : *foliis* lanceolatis : *stipulis* sub-muticis. Lin. sp. 8.

Hab ; & notæ. *Planta* aquatica , caule 2 - pedali , suberecto , subsimplicissimo , tereti , inæquali. *Folia* lanceolata , integerrima , subsessilia , pallidè viridia , margine pilosa : *stipulis* longis , submuticis. *Stamina* 6. *Stylus* 2 - fidus. *Spicæ* subterminales , congestæ , 3 - 4 , rubescentes , teretes , reflexæ. *Semen* 1 , angulatum.

Habitat in paludibus , & infra ripas fluminum , in Cochinchinæ , & Chinæ : ubi ex illo formantur sepes ad olera aquatica continenda.

Virtus. Acris , stimulans , urens.

Persicaria urens , sive Hydropiper. Bauh. Pin. pag. 101. n. 2. Persicaria , florum staminibus senis , stylo bifido. H. Clif. pag. 46.

Sp. 2. POLYGONUM PERSICARIA. & . . .

Differ. spec. Pol. *floribus* hexandris , digynis : *spicis* ovato oblongis : *foliis* lanceolatis : *stipulis* Ciliatis. Lin. sp. 9.

Hab ; & notæ. *Caulis* 2 - pedalis , multiplex , diffusus , procumbens. *Folia* ovato-lanceolata , integerrima , alterna , glabra , magna , maculâ fuscâ in medio notata : *stipulis* ciliatis. *Flos* spicis oblongis , parvis. *Stamina* saepius 6. *Stylus* duplex.

Habitat in cultum in hortis , & pratis humidis Cochinchinæ.

Persicaria Mitis maculosa , & non maculosa. Bauh. Pin. p. 101. n. 1.

Sp. 3. POLYGONUM BARBATUM. β. Leao Xi Hung hoang Xeng.

Differ. spec. Pol. *floribus hexandris, trigynis: stipulis truncatis, setaceo-ciliatis: foliis lanceolatis.* Lin. sp. 10.

Hab; & notæ. *Caulis* herbaceus, rubescens, sub-quadrangularis, 1-pedalis, multiplex, erectus: *stipulis* truncatis, ciliatis, pilis longis. *Folia* lanceolata, integerrima, glabra, alterna. *Flos* rubro-viridis, *spicis* simplicibus, ablongis, sub-terminalibus, sub-solitariis. *Stamina* 6. *Stylus* 3-fidus. *Cor.* 5-partita. *Semina* triquetra, fusca, nitida.

Habitat in Chinâ, Cantone, & alibi.

Gmel. sibir. 3. pag. 52. Burm. Ind. pag. 89. Thunb. Jap. pag. 165.

† Sp. 4. POLYGONUM TINCTORIUM. β. Hö lâm.

Differ. spec. Pol. *floribus hexandris, semitrigynis: spicis ramosis: foliis crassis, ovatis: stipulis membranaceis.*

Hab; & notæ. *Caulis* herbaceus, perennis, teres, 2-pedalis, multiplex, sub-erectus: *stipulis* membranaceis, vaginantibus. *Folia* ova-ta, integerrima, glabra, crassa, succosa, alterna, læte viridia. *Flos* ruberrimus, *spicis* longis, ramosis, subterminalibus. *Corolla* 5-partita connivens. *Stamina* 6. *Stylus* semitrifidus.

Habitat Cantone Sinarum.

Uf. Ad tingendas telas pulchro colore cœruleo, aut viridi. In eundem finem coluntur in Japoniâ Polygonum Chinense, Barbatum, & Aviculare, teste Thunbergio, quem usum apud Sinenses non audi vi: & certè istorum folia colore differunt a Tinctorio Chihehsî.

Sp. 5. POLYGONUM AVICULARE. β. α. Vien súc.

Differ. sp. Pol. *floribus octandris, trigynis, axillaribus: foliis lanceolatis: caule* procumbente herbaceo. Lin. sp. 14.

Hab; & notæ. *Caulis* herbaceus, multiplex, procumbens, ramosus, diffusus: *radice* simplici, articulato-nodosa. *Folia* lanceolata, integerrima, glabra, minuscula, alterna. *Flos* axillaris, rubescens, sub-solitarius. *Corolla* 5-partita. *Stamina* 8. *stylis* 3. *semen* triquetrum, nudum.

Habitat in Chinâ, & Cochinchinâ.

Thunb. Jap. p. 166. Gmel. Sibir. 3. p. 40. n. 32.

Sp. 6. POLYGONUM CHINENSE. β. Fô thân mù.

Differ. spec. Pol. *floribus octandris, trigynis: pedunculis scabris: foliis ovatis: bracteis cordatis.* Lin. sp. 19.

Hab; & notæ. *Caulis* herbaceus, suberectus 3-pedalis, teres, debilis: *stipulis* lanceolatis, glabris, vaginantibus. *Folia* ovata, acuminata, subcordata, alterna, glabra, margine rubentia, sub-cris-

Hh

pata.

pata. *Flos* terminalis, albus, racemis subdivisis, expansis. *Corolla* 5-partita. *Stamina* 8. *styli* 3. *semen* 1.

Habitat prope Cantonem Sinarum.

Burm. Ind. p. 90. t. 30. f. 3. Thunb. Jap. p. 166.

Sp. 7. **POLYGONUM PERFOLIATUM.** a Rau Soing chua dei: Bim bim gai.

Differ. spec. Pol. *foliis* triangularibus: *caule* aculeato: *stipulis* perfoliato-foliosis, patentibus, subrotundis. Lin. sp. 22.

Hab; & notæ. *Caulis* fruticosus, scandens, acirrus, angulatus, 15 pedalis, ramosus, aculeatus, *aculeis* multis, inversis: queis etiam armantur petioli, & pedunculi. *Stipulae* perfoliatæ, subrotundæ, planæ, integerrimæ. *Folia* triangularia, integerrima, glabra, cotis, & margine aculeatis: *petiolis* longis, alternis. *Flos* albicans, in aliis cœruleus: *spicis* simplicibus, solitariis, brevibus, terminalibus. *Cal.* o. *Corolla* membranacea, campanulata, 5-partita, lacinias ovatis. *Filamenta* 8, subulata, tenuissima; medio tubo corollæ inhærentia: *antheris* subrotundis, minimis. *Germen* ovatum, superum. *Stylus* filiformis, 3-fidus, corollæ æqualis: *stigmatibus* 3, crassiusculis. *Semen* 1, subrotundum, nigrum, nitidum, corollâ permanente fotum.

Habitat in sepibus Cochinchinæ.

Burm. Ind. p. 90. t. 31. f. 2. Thub. Jap. p. 168.

Observ. Est ibi varietas habitu simili, flore cœruleo, quæ simul gaudet calyce, & corollâ, ambobus 5 fidis, corollâ autem carnosâ, subclausâ.

Virtus. Incidens, Abstergens, Emolliens. Cataplasma tumores resolvit: lavatio scabiem mundat. Præterea usus est æconomicus frequens, & mechanicus ad emolliendum ebur, & ossa, ut sic aptiora reddantur ad imprimendas varias formas, & retinendos varios colores.

Sp. 8. **POLYGONUM TATARICUM.** β Tam cō mac.

Differ. spec. Pol. *foliis* cordato-sagittatis: *caule* inermi, erecto: *semibus* sub-dentatis. Lin. sp. 23.

Hab; & notæ. *Caulis* herbaceus, 2-pedalis, erectus, inermis. *Folia* cordato-sagittata, integerrima, glabra, pauca, alterna, petiolis longis. *Flos* albus, *pedunculis* polyfloris, axillaribus, & terminalibus: *involucris* communibus, oblongis, curvis. *Calyx* proprius nullus. *Corolla* campanulata, 5-partita. *Stamina* 8. *styli* 3. *semen* 1, triquetrum, rubrum. Non observavi, an effet dentatum.

*Helxine*, *caule* erecto, inermi, *foliis* cordato-sagittatis, *seminum* angularis dentatis. Hort. Cliff. p. 151. *Fagopyrum* erectum, *fructu* aspero. Aminan. Ruth. p. 168. n. 142a.

Ha-

Habitat Cantone Sinarum.

† Sp. 9. POLYGONUM CILIATUM.

Hö Xan Kio.

Differ. spec. Pol. *floribus octandris, trigynis: stipulis striatis, obtusis, ciliatis: spicis brevissimis.*

Hab; & notæ. *Caulis herbaceus, simplex, 4-gonus, erectus, tenuis, sesquipedalis: stipulis ciliatis, obtusis, striatis, amplexicaulis. Folia ovato-lanceolata, integerrima, glabra, alterna, subsessilia. Flos terminalis, dilutè ruber: spicis brevissimis. Cor. campanulata, 5-fida. Stamina 8. styli 3. semen 1, triquetrum nudum.*

Habitat Cantone Sinarum.

† Sp. 10. POLYGONUM ODORATUM.

Rau Ram.

Differ. spec. Pol. *floribus octandris, trigynis: spicis longis, terminalibus: radice repente.*

Hab; & notæ. *Caulis herbaceus, 1-pedalis, sub-erectus, geniculatus, simplex: radice repente: stipulis obtusis, ciliatis. Folia lanceolata, integerrima, glabra, alterna, subsessilia: odore acuto, grato: sapore ardenti, piperato. Flos minutus, ruber: spicis terminalibus, longis, strictis. Cal. nullus. Corolla insundibuliformis, 5-partita. Filamenta 8, corollâ breviora: antheris incumbentibus. Styli 3, filiformes, longitudine corollæ: stigmatibus globosis, minimis. Semen 1, sub-trigonum, utrinque acuminatum, corollâ marcescente fotum.*

Colitur in toto Regno Cochinchinæ: amat loca humida.

Uſus. Planta ista dat optimum Condimentum carni, & piscibus, præcipue affis.

## TETRAGYNA.

† GENUS XVIII. PYTHAGOREA.

*Descriptio Naturalis.*

Cal. Perianthium Campanulatum, 7-8-phylum: foliolis linearibus, hirsutis, coloratis.

Cor. Campanulata, petala 7-8, lanceolata, concava, hirsuta, calyci longitudine æqualia.

Stam. Filamenta 8, subulata, corollâ longiora. Antheræ subrotundæ, didymæ.

Pist. Germen medium inter calycem, & corollam, subovatum, pilatum. Styli 4, subulati, reflexi, breviores staminibus. Stigmata acuta.

Peric. Capsula ovata, 4-locularis, polysperma.  
Sem. subrotunda.

Nom. Ab antiquo Botanico Pythagorā, cuius opera a Theophrasto,  
& Plinio sāpe laudantur.

Char. Gen. *Cal.* 7 - 8 - phyllūs, inferus. *Cor.* 7 - 8 - petala, supera.  
*Capsula* 4-locularis, polysperma.

† Sp. 1. PYTHAGOREA COCHINCHINENSIS.  $\alpha$  Xuong cátia nho lá.  
Differ. spec. Pyt. *foliis* lanceolatis, serratis : *racemis* axillaribus.

Hab. *Arbor* parva, ramosissima. *Folia* ovato-lanceolata, ferrata,  
glabra, subsessilia : nervis longitudinalibus ad apicem rubris. *Flos*  
albus, axillaris, racemis longis, subsimplicibus, *pedunculis* partia-  
libus brevibus.

Habitat agrestis in Cochinchinā.

### † G E N U S X I X. H Y D R O G E T O N .

#### Descriptio Naturalis.

*Cal.* Nullus.

*Cor.* Infera ; petala 4, subrotunda, inflexa : ungue tenui, brevi, in-  
curvo.

*Stam.* Filamenta nulla. Antheræ 8, ovatæ, receptaculo affixæ.

*Pist.* Germina 4, ovata. Stylus nullus. Stigmata 4, oblonga, erecta.

*Peric.* Folliculi 4, ovati, 1-spermi.

*Sem.* ejusdem formæ ovatæ.

Nom. ( $\Upsilon \delta \rho \sigma$  aqua :  $\gamma \epsilon \tau \omega \nu$  proximus) Planta aquatica.

Char. Gen. *Cal.* o. *Corolla* petala 4 subrotunda, unguiculata. *Folli-*  
*culti* 4, 1-spermi.

† Sp. 1. HYDROGETON HETEROPHYLLUM.  $\alpha$  Raong hai thú lá.

Differ. spec. Hyd. *foliis* inferioribus subulato-linearibus, suminis ova-  
tis, acuminatis.

Hab. *Caulis* procumbens, longus, ramosus, aquis innatans. *Folia*  
inferiora subulato-linearia, superiora ovata, apice acuta, omnia  
integerrima, glabra. *Flos* viridis, parvus, spicis oblongis, coar-  
ctatis, terminalibus, nudis.

Habitat in flaviis, & paludibüs Cochinchinæ.

Observ. Hæc planta solo numero staminum a Patamogetone differt ;  
quare, si melius videtur in unum Genus conjungi, non repugna-  
bo.

O C T A N D R I A . T E T R A G Y N I A .

245

bo : maximè , quia Classes Octandria , & Tetrandia quodammodo  
affines sunt. Pericarpium aperiri in valvas non vidi ; ideo potius  
folliculos , aut baccas esse existimavi : nuda semina non licuit voca-  
re , quæ laxo putamine includuntur. Vide supra Spathium. Genero  
32. Hexandriæ Tetragyniæ.

**C L A S S I S IX.**  
**E N N E A N D R I A.**

*M O N O G Y N I A.*

1. CALODIUM. *Cal. 3 - fidus, inferus. Cor. 3 - fida, baccata. Filam. squamulâ suffulta. Baccâ 1 - sperma.*

2. ANACARDIUM. *Cal. 5 - phyllus, infertus. Cor. 5 - petala, reflexa. Stamina uno castrato. Nux receptaculo carnosof.*

3. LAURUS. *Cal. 0. Cor. 6 - petala, Calycina, infera. Baccâ 1 - sperma. Nectarii glandulæ bisetæ.*

*T R I G Y N I A.*

4. RHEUM. *Cal. 0. Cor. 6 - fida, infera. Semen 1, triquetrum.*

## MONOGYNIA.

## GENUS I. CALODIUM.

## Descriptio Naturalis.

Cal. Perianthium 3 - fidum, patens, inferum, minimum, persistens : foliolis acutis.

Cor. Monopetala : tubo ovato, carnofo : limbo 3 - partito, patente. Stam. Filamenta 9, brevia, planiuscula : horum 3 medio trium laciniarum corollæ imposita, squamulis singulis, acutiusculis suffulta : tria alia basi scissurarum insidentia, squamulis totidem defensa : tria reliqua minora, tubo infra scissuras sine squamis nec glandulis adnata. Antheræ totidem, 2 - loculares, acutæ, erectæ.

Pist. Germen subrotundum. Stylus o. Stigma subacutum.

Peric. Bacca ovata, pertusa, subcarnosa, 1 - sperma : formata ex ipsam corollâ germen laxè amplectente : in matrescentiâ, limbo saepius deciduo, truncata.

Sem. 1, subrotundum, lave, molliculum, quod antea germen.

Nom. (*Kαλωδιον* funiculus) ex habitu plantæ funiculari.

Char. Gen. *Cal.* 3 - fidus. *Cor.* 3 - fida. *Filamenta* squamis suffulta. *Bacca* corollina, 1 - sperma.

† Sp. i. CALODIUM COCHINCHINENSE.  $\alpha$  To baong Xanh.

Differ. Spec. Calod. caule filiformi, intricato : foliis subnullis : floribus sparsis.

Hab. Caulis filiformis, tenuis, subangulatus, longissimus, intricatus, obscuro-viridis, inermis, ramosus. *Folia* nulla, nisi squamas parvas, paucas, sparsas folia dicas. *Radix* e terrâ surgens nulla : fortasse parasitica, minima, repens per caules, & ramos aliarum plantarum, quibus innectitur. *Flos*, & *fructus* luteo-virides, sparsi, sessiles. *Corolla* a *Calyce* differt formâ, colore, & magnitudine.

Habitat ubique in sylvis Cochinchinæ : puto, quod etiam in China quamvis ibi non viderim.

Confusa. Rombut putri. Rumph. Amb. I. 9. c. 91. tab. 184. f. 4.

Observ. Ex habitu judicare licet eandem esse cum Cassyta Linnæi : sed hujus Character in systemate plantarum, sicut etiam integra descriptio in Generibus plantarum adeo a nostra differunt pericarpio, collrollâ, & nestario, ut integrum descriptionem dare juxta propria observata superuacaneum non sit.

## GENUS II. ANACARDIUM.

Char. Gen. *Cal.* 5 - partitus. *Petala* 5, reflexa. *Antheræ* 9: decimo castrato. *Nux* reniformis supra receptaculum carnosum. Lin. sy. pl. G. 546.

Sp. I. ANACARDIUM OCCIDENTALE.  $\gamma$  Cajú.

Differ. spec. Anac. *foliis* ovatis, sparsis: *racemis* laxis, terminalibus.

Hab; & notæ. *Arbor* mediocris: *trunko* brevi, *turtuoso*: *ramis* multis, longis, expansis, reclinatis. *Folia* sub-ovata, integerrima, plana, glabra, petiolata, sparsa, nervis costalibus parallelis. *Flos* ruber, racemis magnis, laxis, terminalibus. *Calyx* foliola 5, lanceolata, suberecta, infera. *Corolla* calyce longior, petala 5, lanceolata, reflexa. *Filamenta* 10, corollâ breviora; omnia in tubum brevem basi coalita, longitudine inæqualia: *antheris* totidem, subrotundis. Additur aliquando (non semper) undecimum filamentum sine antherâ, alteri ex decem usque ad medium connatum, superius liberum, subulatum, brevius. *Stylus* longior staminibus, brevior corollâ: *stigmate* obtuso, 4-lobo. *Pericarpium* nux reniformis, lævis, 1-locularis, nucleo simili: insidens *receptaculo* carnosio, pyriformi, magno, eduli, nitido, hinc flavo, inde rubro, odoro, dulci, astringente.

Habiat in orâ Orientali Africæ. Vidi quoque in Malabarâ, & in Benghalâ, sed ibi florem non examinavi.

Castivum. Rumph. Amb. I. I. c. 59. tab. 69. Acosta. Arom. cap. 24 de Cajus, ap. Clus. Exot. p. 273. Fructum naturali magnitudine, & formâ optimè repræsentat Tournef. Inst. tab. 435.

Observ. Cum planta ista Africana vix aliquâ parte habitus differat ab Americanâ, ex quâ omnes originem duxille fatis probatur, illas specie distinguerem non placet: at numerus staminum, & eorum concretio, si alibi comprobetur, Monadelphiæ Decandriæ adjudicari postulat.

Ufus. Fructus edules sunt, succulenti, & medicriter sapidi: nimis calidi habentur, adeoque in scabiem, & flegmone sœpe erumpunt. Spiritus vini ex illis paratus idem vitium habet: valet aueem egregiè ad qualibet fomenta calida applicanda, quorum virtutem exaltat, cum sit valde penetrans, & efficax. Nux, si torreatur, sit sapida, & esculenta.

## GENUS III. LAURUS.

Char. Gen. Cal. o. *Corolla* calycina, 6-partita. *NeElcarium* glandulis tribus, bisetis, germen cingentibus. *Filamenta* interiora glandulifera. *Drupa* 1-sperma. Lin. sy. pl. G. 545.

Sp. 1. LAURUS CINNAMOMUM. a Cay Que. β Kwei Xu.

Differ. spec. Laur. *foliis* trinerviis, ovato-oblongis, nervis versus apicem evanescens. Lin. sp. I.

Hab; & notæ. *Arbor* supra mediocrem: *ramis* patentibus. *Folia* oblonga, 3-pollicaria, utrinque subacuta, integerrima, plana, 3-nervia, nervis ad apicem evanescens, subvenosa, glabra, pallide viridia, petiolata, sparsa. *Flos* pedunculis polyfloris, longis, lateralibus, & terminalibus, hermaphroditus, albus: *corolla* 6-partita: *staminibus* 9, horum tribus interioribus 2-glandulosis. *Bacca* parva, ovata, nigricans, nitida, oleosa: *semine* I, ejusdem formæ.

Habitat agrestis in altis montibus Cochinchinæ, ad Occidentem, versus Laos: ubi quæcunque invenitur arbor truncatur, & exorticatur. Rami crassissimi dant vile Cinnamomum, quod plerumque abjicitur, quia longi itineris expensæ pretium superant. Tenuior cortex, a supremis ramis avulsus, Zeylanico crassitie æqualis, odore, & sapore acerrimus non magni æstimatur, eoque utuntur indigenæ ad condendos cibos. At mediorum ramorum cortex, linéam fere crassus, optimum, & pretiosum præbet Cinnamomum, quo utuntur in Medicinâ, & multo altiori pretio venditur, quam Zeylanicum, præcipue, quod in Tunkino nascitur, & raro invenitur. Hujus oleum per destillationem abundantius extrahitur: color est rubro-fuscus, acritudo minus acuta, sapor multo dulcior Cinnamomo Zeylanico.

Canella. Garc. Arom. l. 1. c. 15. Acosta. l. Arom. cap. 8. pag. 262. apud Clusium. Cinnamomum foliis latis, ovatis, frugiferum. Burm. Zeyl. p. 62. t. 27. Canella Cuurdo. Pis. Mant. p. 165. fig. ibi. Hæ autem figuræ non satis cum Cochinchinensi cohaerent; nam in Burmanno folia videntur ovata: in Pisone nervis terminantibus.

Virtus. Calefaciens, Cordialis, Corroboraans. Expertus sum admodum proficere in diabete senili, ex debilitate, & frigore ortâ.

Sp. 2. LAURUS CAMPHORA. β Lùm nǎo hiám. & Laong nǎo.

Differ. spec. Laur. *foliis* tripli-nerviis, lanceolato-ovatis. Lin. sp. 3.

Hab; & notæ. *Arbor* magna: *ramis* ascendentibus. *Folia* lanceolato-ovata, 3-nervia, integerrima, glabra, pleraque alterna, opposita

aliqua, petiolata, tergo ablicantia. *Flos* albus, pedunculis simplis, longis, lateralibus. *Bacca* parva, ovata, 1-sperma, rubro-fusca.

Habitat frequens, & inculta non minus in Chinâ, quam in Japoniâ. *Laurus Camphorifera*. Kämpf. Amæn. p. 770. t. 771. Thunb. Japon. p. 172. Ibi legi potest modus extrahendi Camphoram per sublimationem in Japoniâ: quæ methodus fere eadem apud Sinas.

**Uſus.** Optimum est lignum ad formandas cistas, aut quælibet scribia, non quidem pulchritudine, sed duratioue; nam coſſi, & formicæ albæ in Indiis adeo infestæ tales cistas, & in eis contenta non audent attingere, odore Camphoræ præterrítæ, & fugatæ.

**Virtus Medica.** Resolvens, Antiseptica, Nervina, Sudorifera, Anthelmintica. Valet in inflamationibus, Rheumatismo, Hysteriâ, Ophtalmiâ, Surditate, Odontalgia, Maniâ. Medicamentum certè heroicum, cum scitè tractatur.

**Observ.** Camphoram de Bornéo, sive de Barus efficaciorem virtutem, vel a Sinensi diversam habere non judico utrâque sapissime uſus: quamvis illa in Sinis, & Japoniâ centuplo carius vendatur. Omnia rara pretiosa, nec semper ex vero merito! An ex eadem plantâ proveniant, decidere non præsumo, cum Borneana arbor mihi non occurrerit. Consulatur ingenuus Author Wilhelmus Marsden in historiâ Samatreñi, Anglicè editâ Londini, an. 1784. pag. 120: qui citat Valentinum utriusque arboris folia exhibentem in historiâ simplicium, pag. 488. tab. 7.

† Sp. 3. **LAURUS CARYOPHYLLUS.** a Quæ rânk.  
Differ. spec. Laur. foliis trinerviis, alternis, oppositisque: corymbis racemosis, terminalibus: ramis brachiatis.

Hab.; & notæ. Arbor mediocris: ramis brachiatis, sub-patentibus. *Folia* ovato-lanceolata, integrerrima, 3-nervia nervis terminantibus, glabra, fesquipollicaria, superne obscuro-viridia, inferne glauca, petiolata, alterna, oppositaque, odorifera, duriuscula. *Flos* albus, parvus, corymboſo-racemosus, terminalis. *Cal.* o. *Corolla* petala 6, ovato-lanceolata, patentia. *Stamina* 9, quorum 3 interiora 2-glandulosa, planiuscula. *Nectarium* glandulosum. *Stylus* longior staminibus: stigmate obtuso. *Bacca* ovata, parva, fusco rubra, 1-sperma. *Cortex*, & *radix* rubro-fusca, odorem, & saporem Caryophyllorum Amboinensis imitatur.

Habitat in sylvis Cochinchinæ.

Ab hâc non longè recedit Laurus Culilaban (Lin. sp. 2.), quæ eadem cum cortice Caryophylloide Rumph. Amb. l. 2. c. 22. t. 14. Idem quoque videtur esse Cinnamomum perpetuò florens, folio tenuiore, acuto. Burm. Zeyl. p. 63. t. 28. Ubi hic Author citat alios,

quam-

quamvis de diversis plantis agentes, scilicet de Lauro Cassia, & de Lauro Myrrhâ (de quâ nos infra) quæ omnino diversæ species sunt, & ibi confunduntur. Ad nostram proprius accedere videtur Cassia Caryophyllata Pisonis. Mant. pag. 169. quæ sapore, & odore Caryophyllos refert, & a Lusitanis vocatur Caryophyllus Maranhonius, ex nomine provinciæ Brasiliæ, unde exportatur. Florem hujus ipse non vidi.

Uſus in condimentis frequens. Virtus Medica Calefaciens, Corroborans, Stomachica. Cortex iste multo oleosior est, quam Cinnamomum; siquidem ex duabus libris extraxi olei essentialis fere duas uncias, initio sub-flavi, postea rubescens, odore Caryophyllorum, sed minus grato.

† Sp. 4. LAURUS MYRRHA. a Ó duc: Deau däng. & U yō.

Differ. spec. Laur. foliis 3-nerviis, ovatis, acumine longo: floribus congestis, sessilibus, axillaribus.

Hab; & notæ. Arbor parva, 5-pedalis, ramosissima, trunco intermixto, tortuosof. Folia ovata, acumine longo, crasso, integrerrima, 3-nervia, nervis terminantibus, glabra, alterna, superius obscurè viridia, inferius pallida, petiolata. Fl̄s albus, axillaris, globigeratus, sessilis. Calyx communis 4-phyllo, foliolis, subrotundis, concavis, binis exterioribus minoribus, pilosis: continens 5 flosculos pedunculatos. Perianthium proprium nullum. Corolla propria petala 6, ovata, concava, subæqualia. Filamenta 9, planiuscula, corollâ breviora: 3 interiora bi-glandulosa: antheris compressis, obtusis. Germen ovatum, superum: stylus brevis. Stigma obtusum. Pericarpium Bacca ovata, succosa, glabra, rubra, parva, 1-sperma. Radix arbusti lignosa, crassa, verticalis, polyfida, fusca, oleosa. Tota planta amarissima, sapore, & odore Myrrhæ Officinalis prædita.

Habitat frequens in dumetis Cochinchinæ.

Canella Zeylanica, Sylvestris, odore, & sapore Myrrhæ, floribus verticillatis. Herman. Mus. Zeyl. pag. 26. Cassia Cinnamomea, Myrrhæ odore, folio trinervio, subtus cæfio. Pluk. Alm. pag. 89.

Virtus, præcipue radicis. Calefaciens, Diuretica, Emmenagoga, Antiputridinosa, Anthelmintica. Ex baccis exprimitur oleum rubrum, plantæ odore, & sapore præditum, quo utuntur indiginæ contra febrem, vulnera, pustulas, & ulcera putrida, vermesque, & insecta vel in illis, vel in quacunque parte corporis nata. Estne vera planta Myrrhæ Officinalis, antea non satis cognita?

† Sp. 5. LAURUS POLYADELPHA. a Miéng sanh, bàng lá.

Differ. spec. Laur. foliis obsoletè trinerviis, lanceolatis: floribus polyadelphis, axillaribns.

Hab; & notæ. *Arbor magna*: *ramis* patentibus. *Folia* lanceolata, integerrima, obsoletè 3-nervia plana, coriacea, venosa, petiolata, alterna, obscurè viridia. *Flos* albo-ruber, corymbis racemosis, axillaribus. *Calyx* monophyllus, cyathiformis, coloratus, 6-partitus, lacinias oblongis, erectis. *Corolla* nulla, nisi calycem dicas. *Nectarium* glandulis 6, pedunculatis. *Stamina* 9, inæqualia, quorum tria appendiculata: omnia in tres fasciculos colligata. *Antherae* oblongæ, planiusculæ, truncatæ, nec longitudinaliter dehiscentes, sed per 4 foramina pollen emittentes. *Germen* subrotundum. *Stylus* filiformis, æqualis staminibus. *Stigma* obtusum. *Pericarpium* bacca subrotunda, carnosa, minima, 1-sperma.  
Habitat in montibus Cochinchinæ.

## † Sp. 6. LAURUS CURVIFOLIA. α Miéng sanh caong lá.

Differ. spec. Laur. *foliis* obsoletè trinerviis, oblongis, incurvis: ramenis parvis, subterminalibus.

Hab; & notæ. *Arbor magna*: *ramis* patentibus. *Folia* oblonga, acuminata, integerrima, obsoletè trinervia, venosa, pallida, odora, dura, nitida, incurva, reflexa, alterna. *Flos* albus, racemis parvis, laxis subterminalibus. *Calyx* monophyllus, carnosus, lobatus, acutè 6-fidus, inferus, persistens. *Cor.* nulla, nisi calycem dicas. *Stamina* 9, plana, superius dilatata: ibique illorum quodlibet e 4 foraminibus emittens 4 filamenta tenuissima, antherulis totidem, oblongis, 2-locularibus. *Nectarium* glanduliferum. *Bacca* oblongo-ovata, nigra, 1-sperma.

Habitat in sylvis montanis Cochinchinæ.

Observ. Hæc, & præcedens species magnam affinitatem habent cum Ocotea Guianensi. Aubl. Guian. p. 780. tab. 310.

## † Sp. 7. LAURUS CUBEBA. α Cây Mang tang. β . . .

Differ. spec. Laur. *foliis* enerviis, aveniis, lanceolatis: *floribus* congestis, pedunculatis.

Hab; & notæ. *Arbor mediocris*, ramosissima: *ramis* patentibus. *Folia* lanceolata, integerrima, enervia, plana, nitida, 2-pollicaria, alterna, petiolata. *Flos* albus, pedunculis monofloris, congestis, lateralibus. *Calyx* communis, 4-phyllus: foliolis subrotundis, concavis, coloratis, deciduis: continens 5 filosculos. *Petiantium* proprium nullum. *Corolla* partialis petala 6, subrotunda, patentia, inæqualia, limbo præmorso. *Nectarium* glandulis 6, sessilibus, oblongis, reflexis. *Filamenta* 9, brevissima, quorum 6 ad 6 petala declinata, 3 interiora erecta, si bene memini, absque glandulis, queis filamentorum brevitas locum non dabat. *Antherae* totidem, quarum 6 compressæ, subquadratae: loculis 4,

obliquis. *Germen* subrotundum, superum. *Stylus* nullus. *Stigma* simplex. *Bacca* globosa, nigra, pedunculata, minima: semine globoſo.

Habitat culta, nec rara in agris, & hortis Cochinchinæ: puto, quod etiam in Chinâ.

Virtus: baccarum, corticis etiam, sed debilior. Corroborans, Cephalica, Stomachica, Carminativa. Ejus decoctum prodest in Vertigine, affectionibus Hystericis, Paralyse, Melancoliâ, Memoriæ imbecillitate. Utuntur indigenæ fructibus recentibus ad conditios pisces. Odor fragrans. Sapor aromaticus, subfervidus, salivam elli- ciens. Magnitudo, forma, & color Piperis Nigri: pedunculo semper annexitur tenui, longiusculo, unde haud inepte Piper cauda- tum diceretur.

Observ. Cum istius fructus forma, magnitudo, qualitas, virtus eædem omnino sint, quæ prædicantur de Cubebâ, pronus eram ad asserendum arborem, ex quâ prodit, vulgarem esse Cubebam: sed obstant plerique Authores cum Garcia I. I. Arom. c. 23. dicentes Cubebam plantam esse scandentem, ac proinde fruticosam, quamvis characteres proprios nullus exponat, præter Linnæum Juniorem, qui illos a Recentioribus acceperat, traditque in Suplemento plan- tarum, pag. 90, veramque esse speciem Piperis decidit.

Sp. 8. LAURUS INDICA. & Bai loi dee.

Differ. spec. Laur. *foliis* venosis, lanceolatis, perennantibus, plenis: *ramis* cisticicibus tuberculatis: *floribus* racemosis. Lin. sp. 7.

Hab; & notæ. Arbor magna: *ramis* ascendentibus. *Folia* lanceola- ta, integerima, enervia, venosa, plana, glabra, 4-pollicaria, nitidè virentia, sparsa, petiolata. *Flos* viridi-pallidus: racemis brevibus, subdivisis, terminalibus. *Calyx* 6-phyllus, inferus, persi- tens: foliolis ovato-oblongis, patentibus, tribus alternis minori- bus. *Corolla* nulla. *Filamenta* 9, inæqualia, plana, calyci subæqua- lia. *Antheræ* totidem compressæ, 4-loculares: *loculis* obliquis in eodem plano sitis. *Germen* subrotundum. *Stylus* brevissimus. *Stigma* simplex. *Bacca* globosa, parva, fusca, 1-sperma.

Thunb. Jap. pag. 173. Machilus? Rumph. Amb. I. 4. c. 37. tab. 42.

Habitat frequenter in sylvis montanis Cochinchinæ.

Usus. Lignum hujus arboris subflavum, nec ponderosum, bonum est ad ædificia, & melius adhuc ad utensilia doméstica formanda.

† Sp. 9. LAURUS PILOSA. & Bai loi loung: Bai loi Vang.

Differ. spec. Laur. *foliis* enerviis, oblongis, pilosis: *racemis* amplis, terminalibus.

Hab; & notæ. Arbor magna: *ramis* patentibus. *Folia* ovato-oblon- ga,

ga, acuminata, integerrima, pilosa, enervia, sparsa, petiolata, 5 - pollicaria. *Flos* polygamus, luteo-viridis, uterque racemis vasis, subterminalibus. Hermaphroditi calyx campanulato-patens, 6 - fidus, lacinias acutis. *Corolla* nulla. *Filamenta* 9, subulata, calyce breviora, pilosissima: *antheris* oblongis, 2 - locularibus, incumbentibus. *Germen* subrotundum. *Stylus* crassus, calyci æqualis. *Stigma* 2 - fidum, reflexum. *Bacca* globosa, coriacea, parva, 1 - sperma.

Masculi in distinctâ plantâ *Calyx* 6 - phyllus: foliolis ovatis, concavis, lanuginosis. *Cor.* nulla. *Filamenta* 9, brevia, pilosa: *antheris* planis, 4 - locularibus.

Habitat in sylvis montanis Cochinchinæ.

Uſus. Lignum flavum, longæ durationis, ad ædificandum, vel torquandum facile, & pulchrum est.

Sp. 10. LAURUS SASSAFRAS. α Cây Vàng dee. β Hoàn Châm.

Differ. ſpec. Laur. foliis integris, trilobisque. Lin. sp. 12.

Hab; & notæ. Arbor magna, trunco recto: *ramis* in vertice patentibus: *ligno* levi, cinereo, odorato: *cortice* exteriori tenui, flavescente, interiori crasso, fusco: *radice* polyfidâ, crassa, horizontali. *Folia* juniora ovato-oblonga, acuminata, integerrima, glabra, enervia, alterna, petiolata, pallidè viridia, magna: seniora 3 - lobata. Vidi parvam arborem Sassafras foliis omnibus integris: an vero in seniora 3 - loba emiferit, decidere non valeo. Florentem non vidi, dubiusque mansi, sitne diversa species? Flores audivi esse flavos, pedunculis longis: baccas ovatas, 1 - spemas, cæruleo-fuscas.

Habitat in sylvis Gochinchinæ, ad Boream, prope Tunkinum.

*Cornus* mas, sive Sassafras, Laurinis foliis indivisis. Pluk. Amalthe. pag. 66. Anhuyba Sassafras. Pifo. Hist. Nat. Ind. I. 4. p. 145. fig. p. 146.

Uſus. Lignum est valde idoneum ad formandas arcas, quæ naturali arboris odore, quæcunque infecta, & vermes arcent, ne contenta ab illis corrumpantur.

Virtus Medica. Diaphoretica, Sudorifica, Purificans, Diuretica. De coctum multum valet in Rheumatismo, & doloribus vagis: fitque efficacius, adjunctis ligno Ebeno, Smilace Chinâ, & Illicio Anisato. Uſus sum frequenter radice cum ejus cortice, quæ oleo maximè abundat. Ex libris 4, absque digestione destillatis, facilimâ operâ obtinui uncias 5 olei essentialis, ponderosi, slavi, nitidissimi, acris, fragrantis, quod post 30 annos easdem qualitates integras servat.

Observatio. In omnibus speciebus Lauri in Indiâ a me observatis, inveni semper flores hermaphroditos, baccas, non drupas, folia ubique

que perennantia. Hoc ultimum commune est omnibus fere arboribus in Zonâ Torridâ, ubi rarae inveniuntur, quæ foliis annuis spoliuntur, sicut in Europâ.

## TRIGYNTA.

## GENUS IV. RHEUM.

Char. Gener. Cal. o. Cor. 6 - fida, persistens. Sem. i. triquetrum.  
Lin. sy. pl. G. 549.

Sp. 1. RHEUM PALMATUM. β Tá hoâm. α Đại hoàng.

Differ. spec. Rh. *foliis* palmatis, acuminatis. Lin. sp. 3.

Hab; & notæ. *Planta* perennis, acaulis. *Folia* magna, palmata, semipartita, lobis, & angulis acutis, 5-7, inæqualibus, inordinate repandis, sub-scabris: *petiolis* erectis, teretibus, sesquipedalibus, crassis: *stipulis* radicalibus, conicis, magnis, erectis, pallidis, margine rubris. *Scapus* teres, nudus, foliis longior: *spicæ* unicâ, simplici, erectâ: *foliis* floralibus binis, oppositis, parvis, ovato-lanceolatis, integerrimis. *Flos* luteus: *calyce* nullo: *corolla* 6 - fidâ, persistente: *staminibus* 9: *semine* i, triquetro. *Radix* subrotunda, carnosa, magna, fusco-lutea, basi saepe polyfidâ.

Habitat in provinciis Borealibus imperii Chinensis, intra, & extra celebrem murum.

Acta Angl. 1765. pag. 292, t. 12. Berg. Mat. Med. p. 346.

Virtus: radicis. Purgans, Tonica, subastrigens, Antacida. Prodest in Dysenteria, Ictero, Phthisi, Leucorrhœâ, Febris lentis, Catarrho antiquo. Externè in Odontalgiâ, excoriationibus, pustulis, inflammationibus levioribus. Medici Sinenses qualitate frigidâ præditum censem: & ad acuendam ejus virtutem saepe nitrum adjungunt. Utuntur saepius in decoctis, nec inefficaciter.

Sp. 2. RHEUM BARBARUM. β Tá hoâm: Tay hoang. α Đại hoàng.

Differ. spec. Rh. *foliis* subvillosis: *petiolis* æqualibus. Lin. sp. 2.

Hab; & notæ. *Planta* perennis: *caule* 3 - pedali, simplicissimo, tereti, erasso, striato, erecto: *radice* oblongâ, carnosa, magnâ fusco-luteâ. *Folia* lanceolata, integerrima, undulata, subvillosa, alterna: *petiolis* longis, æqualibus, crassis. *Flos* pallidus, spicâ terminali, longâ.

Habitat in multis locis imperii Chinensis: colitur etiam a curiosis in Cochinchinâ.

Rhabarbarum folio longiori hirsuto, criso, florum thirso longiori, & tenuiori. Amman. Ruth. pag. 7. n. 9.

*Virt.*

Virt. Ferè eadem, quæ præcedentis.

Observ. Dum Cantone Sinarum residerem, Medicus Sinensis a me rogatus detulit recentem plantam, quam Rheum Barbarum dicebat, huic omnino habitu similem: sed cum flores examinavisse, in omnibus numeravi stamina 6, corollas vero 3-fidas: adeoque erat planta media inter Rumaticem, cui corolla 3-petala, & stamina 6, ac Rheum, cui corolla 6-fida, & stamina 9 debentur. Radix, cuius vim non probavi, erat carnosa, oblonga, lutea, Rhei Barbari similis, sicut etiam folia.

C L A S S I S X.  
D E C A N D R I A.  
M O N O G Y N I A.

\* *Flores polypetali, irregulares, inferi.*

- 1. ANAGYRIS. *Cor. papilonacea : vexillo brevi, recto : Cari-  
na alis longiore : Legumen.*
- 2. POINCIANA. *Cor. petalo summo maiore. Legumen compres-  
sum.*
- 3. CÆSALPINIA. *Cor. petalo infimo pulchriore. Legumen rhom-  
beum : seminibus rhombeis.*
- 4. TOLUIFERA. *Cor. petalo infimo maiore. Cal. campanulatus.  
Bacca 1 - sperma.*
- 5. CASSIA. *Cor. inæqualis. Antheræ rostratæ. Legumen  
isthmis interceptum.*
- 6. GUILANDINA. *Cor. subæqualis, calyci insidens. Legum. rhom-  
beum. Semina offea.*
- † 7. BARYXYLUM. *Cor. subæqualis, plicato-crispa. Cal. 5 - phyl-  
lus, reflexus. Leg. rectum, polyspermum.*
- † 8. AIOEXYLOM. *Cor. inæqualis. Cal. 4 - phyllus : infimo duplo  
longiore. Leg. falcatum, 1 - spermum.*

\*\* *Flores polypetali, æquales.*

- 9. CYNOMETRA. *Cal. 1 - phyllus : laciniis oppositis maioribus.  
Leg. 1 - spermum, carnosum.*
- 10. MELIA. *Nectarium tubulosum, 10 - dentatum. Drupæ  
nucleo 5 - loculari.*
- 11. RUTA. *Germen punctis 10 melliferis. Caps. 5 - fida,  
5 - locularis, polysperma.*
- 12. TRIBULUS. *Pistilli stylus nullus. Caps. 5, connexæ, po-  
lyspermæ.*
- 13. CHALCAS. *Cor. petala 5, campanulata, patentia. Bacca  
1 - locularis, 2 - sperma.*

## 14. LIMONIA.

## D E C A N D R I A .

*Cor.* petala 5, carnosa. *Bacca*, loculis 1 - spermis.

## † 15. QUINARIA.

*Cor.* petala 5, reflexa. *Cal.* 5 - fidus. *Bacca* 5 - locularis, 1 - sperma.

## † 16. AULACIA.

*Cor.* petala 5, sulcata. *Cal.* 5 - dentatus. *Bacca* 5 - locularis; 2 - sperma.

## 17. MELASTOMA.

*Cor.* petala 5, calyci insidentia. *Antheræ* re- fractæ. *Bacca* 5 - locularis, calyce vestita.

## 18. QUISQUALIS.

*Cor.* petala 5, calyci filiformi insidentia. *Drupa* 5 - gona.

† 19. CUBOSPERMNM. *Cor.* petala 6, emarginata. *Caps.* 5 - locula- ris: *seminibus* cubicis.

## \*\*\* Flores monopetali, æquales.

## † 20. ACOSTA.

*Cor.* 5 - fida, urceolata. *Cal.* 5 - dentatus. *Bacca* 5 - locularis, calycina.

## † 21. ENKIANTHUS.

*Cor.* 5 - fida. *Cal.* communis: proprius 5 - phyllus, inferus. *Bacca* 5 - locularis, polyperma.

## ‡ 22. CYRTA.

*Cor.* 5 - partita, campanulata. *Cal.* 5 - den- tatus, inferus. *Drupa* curva.

## \*\*\*\* Flores incompleti, inferi.

## † 23. ANOMA.

*Cor.* 10 - partita, irregularis. *Cal.* 0. *Sili- qua* 1 - locularis, longa.

## † 24. OPHISPERMUM.

*Cor.* 0. *Cal.* 6 - partitus. *Caps.* 2 - locularis. *Semina* alata.

## D I G Y N I A .

## 25. SAXIFRAGA.

*Cor.* 5 - petala. *Caps.* 2 - rostris, 1 - locula- ris, polysperma.

## 26. DIANTHUS.

*Cor.* 5 - petala. *Cal.* tubulosus, basi squamo- fus. *Caps.* 1 - locularis, oblonga.